

REC'D Q

5563.8

4042.2

v.5

Y.5

跋

字辭

墓誌銘

贊

銘

上樑文

墓表

祝文

祭文

哀辭

塋誌

行狀

共六

慕亭集

卷之五



慕亭先生文集卷之九

記

撫松亭記

葛川文丈金公謝事歸隱于稼逸山中買居琴氏之
雙松亭爲其澗壑雲林之勝允愜於退閒嘯詠之樂
也間者以書遺著秀曰古有雙松在亭前一則中被
鬱攸今只有孤松而僦屋適在雙城歸後故改以撫
松名扁如使淵明有知得不頰笑於千載之下乎君
其爲我以一言辨之著秀擎讀而作曰地必由人而
勝物必待主而名維此稼逸一區卽琴氏諸先輩鍾

毓之地自古稱嶺下名村今爲文丈所管領焉此固
有數存者而昔之雙松今焉獨秀蒼虬老榦衣被美
號以作盤桓撫摩之資者其亦闕乎數也日與木公
蒼髯相對怡顏三逕物色宛如羲皇上界假令九原
可作亦將有千載知遇之感何遽頻笑之有雖然士
君子擔夯大業際遇明時則上可以論道經邦下可
以利民澤物非若一節之士長往山林以韜晦爲高
也今文丈歷事兩聖崇躋八座德業功名之盛到老
愈赫而一朝反投簪解紱尚友高逸卧北窓之清
風托後凋之心期其視夫古之遭時不祥見幾高蹈

者時義顧何如也此則必有能辨之者矣著秀韋布
生也何敢與論於大君子出處之義異日者第當挾
素琴登松壇爲公和歸來辭一篇歲癸未三月日

敬亭記

英真兩縣之境有石人立撐半空對峙爲門呀然成
洞府水瀉出其間古所稱林泉也崇禎處士石門鄭
先生始卜居焉築臺疏池亭其上亭曰敬齋曰主一
軒曰雲樓池曰瑞石端居自靖恬養性靈間又發之
聲詩而清婉感慨隱隱有匪風下泉之思不佞屢嘗
登先生之亭誦其詩讀其書而歎曰後百世而聞其

風者誠足以廉頑而立懦也雖然此則逞跡之粗者也求之於跡不若求其心尚論而不得其心則其可謂真知古人哉是其文章之雅節義之卓凡有耳目者皆能誦說而至於平日主敬之學實爲文章節義之本者則無有能闡明之此何故也噫其跡晦其志微隱求潛養之功超然有獨得之妙而人不及盡知者歟試以名亭之義推演其旨蓋敬者古聖賢心學之要也伊洛主一之訓最爲精密敬齋箴中其說尤備而末復謂毫釐之差便至三綱淪九法斁然則敬與不敬而天理存亡之幾判矣先生嘗遊愚伏門下

益庄舊廬

之正事名錄

先生慨然秉春秋之義而

講明此箇義理而養之有素及夫神州陸沈天壤易
則遂卷而懷之用是爲修身立命之方此敬亭之所
以作也主靜以立本而提撕於虛明湛一之中正義
以方外而體驗於省修克治之地居常戰兢而如履
如臨日有猷爲而勿忘勿助惺惺照管之法不墮空
寂之境觀於言志諸作可知其用意深處是豈與邈
世一節之士偏枯無用者比而論哉先生旣歿而長
胤益齋公仍居益庄舊廬克紹家學亭則傳之第四

風者誠足以廉頑而立懦也雖然此則違跡之粗者也求之於跡不若求其心尚論而不得其心則其可謂真知古人哉是其文章之雅節義之卓凡有耳目者皆能誦說而至於平日主敬之學實爲文章節義之本者則無有能闡明之此何故也噫其跡晦其志微隱求潛養之功超然有獨得之妙而人不及盡知者歟試以名亭之義推演其旨蓋敬者古聖賢心學之要也伊洛主一之訓最爲精密敬齋箴中其說尤備而末復謂毫釐之差便至三綱淪九法斁然則敬與不敬而天理存亡之幾判矣先生嘗遊愚伏門下

講明此箇義理而養之有素及夫神州陸沈天壤易處三綱九法之淪喪極矣先生慨然秉春秋之義而身居山野既不能以直方修養之大宗旨倡明於世則遂卷而懷之用是爲修身立命之方此敬亭之所以作也主靜以立本而提撕於虛明湛一之中正義以方外而體驗於省修克治之地居常戰兢而如履如臨日有猷爲而勿忘勿助惺惺照管之法不墮空寂之境觀於言志諸作可知其用意深處是豈與邈世一節之士偏枯無用者比而論哉先生旣歿而長胤益齋公仍居益庄舊廬克紹家學亭則傳之第四

風者誠足以廉頑而立懦也雖然此則逞跡之粗者也求之於跡不若求其心尚論而不得其心則其可謂真知古人哉是其文章之雅節義之卓凡有耳目者皆能誦說而至於平日主敬之學實為文章節義之本者則無有能闡明之此何故也噫其跡晦其志微隱求潛養之功超然有獨得之妙而人不及盡知者歟試以名亭之義推演其旨蓋敬者古聖賢心學之要也伊洛主一之訓最為精密敬齋箴中其說尤備而末復謂毫釐之差便至三綱淪九法斁然則敬與不敬而天理存亡之幾判矣先生嘗遊愚伏門下

孟庄舊廬之庄本是謬言

子處士公世守無墜而教授公恬退不願仕睡窩公
隱德而終老其風猷有自來矣迺者七世孫仁睦適
追先志重葺是亭又傍立居第臺沼改觀門巷如故
宛然有方興之象如吾子者真可謂善繼善述者哉
以不佞亦嘗與聞先生之風屬以記其事竊惟溪山
泉石之勝先生已題品而歌詠之睡翁又記之詳焉
曷容贅爲說乃特拈出一敬字以寓微顯闡幽之意
且曰繼述莫要於傳心誠以先祖之心爲心凡於動
息出入仰瞻楣扁而惕然警懼于中以是單傳的訣
爲一身一家之基本田地則尤豈非肯構之大者乎

詩曰維桑與梓必恭敬止况斯亭乎重爲吾子誦之
因并序列以告來者

松亭記

昔龍川陳同父嘗葺治園亭晦庵夫子譏其做不得
沂雩意思及夫大風之吹倒亭子也又規之曰雖掀
却卧房亦且露地睡盖士尚志也不要有富貴相彼
楊樓燕幕得之猶不爲則况窮而野處者雖因樹以
爲屋班荆以爲席逍遙於曠漠之境偃息於叢薄之
中亦當樂而忘憂安往而非吾廬哉吾友金啓魯氏
湖海士也晚而隱于禮州鑄山之陽僦得一間藏書

之室大如斗戶不能納涼客至無以共折旋乃就谷
口老松下風焉村人指以爲古李默窩所植也蒼虬
數十陰映洞天風烟雪月光景皆可賞遂欣然有契
於心日杖屨徘徊而笑曰此吾亭也於是知舊相過
從者呼以松亭翁翁嘗爲余言子知夫吾亭之美乎
占閒曠爲基地借礫硤爲樑棟蓋之以層柯密葉障
之以茂林豐草不費方斲結構之勞而天然成大廈
脩簷造物者培壅此樹以付與鳩拙厚矣哉日與社
中父老秀才子及東西行旅之避風雨而投止者同
其樂隱然有杜草堂大庇之意已而客去獨立長嘯

靈籟颯林鳥和鳴心與境會韻與響成泠然而醒
曠然而怡則又庶幾乎曾氏子風雩詠歸之像其隨
遇自得之妙惟知我心者知之請吾子爲之記以發
其幽余乃作而曰翁之意不在亭而在於松知夫松
之所以爲松則斯可以知翁之心也歟松性直凌霄
漢而挺特翁之昂莊高古不諧於俗者似之松節勁
傲霜雪而長青翁之忍窮守餓不變其操者似之松
韻清而遠奏笙簧而鳴金石翁之時瀉腔調颯颯乎
太古之音亦類也矧乎之松也生長邃壑世莫得以
知焉故不能充青州之貢而作明堂之柱翁之早擢

穹林卒不遇匠石之顧終老於海山寂寞之濱者何
異於是翁與松兩相遇假號爲亭亭之爲言亭亭然
挺直之意也其與夫世所謂亭觀者可比而論哉翁
且不負初心益勵晚節以遽廬爲安宅以圭竇爲廣
廈以理義爲窟藂菽粟則高卧百尺亭上貌視彼巍
巍然者矣夫然後超出事物之外方可與論於吾與
黠意象先師之訓不其信歟吾老矣縱不能膏車秣
馬從子于松亭之下而惟平生莫逆之心直以歲晏
相期翁之屬我以記者是心也我之爲翁記之者亦
是心也禮曰如松柏之有心古人詩云歲寒心事不

相違重爲松亭翁誦之以致同人交警之意歲丙午
月上元慕亭李著秀記

畏菴記

古之言畏而警人者莫有切於周書之不畏人畏不
畏者何謂也褻明慢紀而昏不知其戒懼也人畏者
何謂也興戎召禍而躬自陷於危厲也夫人之戴天
履地接人應物何適而非畏塗也不畏乎天則天怒
而罰降不畏乎人則人惡而僂及其機可不畏哉然
天非畏也所畏有甚於天人非畏也所畏有甚於人
知所畏而不入於畏者心之存也不知畏而入於畏

者心之亡也心之存亡而休咎吉凶惟影響焉甚矣
心之可畏也求所以不入於畏則先須密察其可畏
之端而致其畏之之功畏之如何反諸心而主乎敬
而已在昔朱夫子釋中庸戒慎恐懼之義而有曰君
子之心常存敬畏又嘗題薛畏翁詩而以敬字惟畏
近之之訓申明之蓋敬者一心之主宰也心有主宰
而不被外物撓奪莊嚴以體之兢業以持之者是居
敬存畏之方畏不離乎敬也誠能惕然而厲竦然而
恐置此身於羊腸艱澁寄此身於虎尾春冰敬之又
敬畏之又畏言言事事時時處處無往而不敬畏則

操存之至斯可以不入於畏而庶有得於考亭言敬之旨矣推而言之則如所謂嚴恭寅畏所謂畏天時保所謂君子有三畏者夫孰非敬之道也愚嘗有味於斯而顧未能行焉吾友趙君魯仲以畏名其菴要余一言規之魯仲之意蓋欲以是而宅心持身以是而居鄉處世則與吾向所云者默相契矣敢不樂爲子告之詩曰溫溫恭人如集于木惴惴小心如臨于谷願與吾友共勉焉

權孝子兩世旌閣記

周禮大司徒教萬民賓興而孝居六行之一漢之時

詔郡國舉孝廉論列其行在昔帝王之崇獎民善以風勵天下者至矣降自世教衰而民不興於行又或局於人地行雖修而名不稱者間有之然則上之司教者何所獎而勸之下而爲民者何所視而跽之也於是乎有宅里棹楔之典焉是則古聖人旌淑表閭之遺意而亦足爲明人倫樹風聲之一助也永嘉城門之東有權孝子父子者而鄉士大夫公誦之御史守相採聞之旣旌其父又旌其子苟無內行之實能若是乎今據前後旌褒之蹟盖其事生也怡愉以順之溫清以安之藥餌以護之無一事不愜親心其啣

恤也身不脫衰經口不近魚臠奉祭而不以貧窶或
闕展墓而不以寒暑或輟孺慕之誠終始如一日此
其父子事大略也父既行之於前子又述之於後欲
知其子之孝不當於其父求之耶至若秉心廉謹而
一毫無敢欺惟懼玷辱及其親收恤亡兄遺腹而先
己子以成立之俾主先祀夷考其行無適而非孝之
推也日用平常之中而自有人人所難能者則是亦
卓異行也何必爲丁蘭符表而後方可謂孝也耶意
斯人也縱不能賓興聖世得與孝廉之列而其至行
美蹟歿焉而愈彰使過其閭者油然而生孝悌之心則

朝家所以崇獎而風勵之者顧何如也適者小孝
子之子永文訪余山齋請記其顛末始余以拙陋辭
之又使其從弟永發累懇不置發卽所謂遺腹而主
先祀者也泫然道猶父教育之恩誠足以感動人且
念余居城東數里孝子隣也耳其行誼有素今於是
役也其可終辭已乎遂作而曰一家興於孝而兩世
旌其門者求諸三綱錄中未之見也尤何其偉也詩
曰孝子不匱永錫爾類又曰永言孝思孝思維則今
孝子家之父傳子述已是錫類之應而孝子之子若
孫又皆斤斤有典刑吾將見權之門世有孝子孝孫

而永言不匱之思亦將爲後人則也歟大孝子旌門
在 仁陵戊辰旣銘于石而閣之後三十四年而小
孝子旌 命又降遂仍舊閣而稍大之豎貞珉視前
式時辛丑季夏月日也大孝子名聖範小孝子名思
度太師之後因并序次其事實以詔來者

安寓窩記

是歲春族兄安寓翁自道州歸編摩先大夫遺文著
亦叨叅丁乙之役得以共周旋於江樓郊墅者月四
五弦斲槩之暇縱談南鄉風土因喟然曰安寓者吾
之窩也吾少也妄意四方而孤露落拓老白首無成

顧乃有就閒耕讀之志蓋自午橋而東之茅南之龜
自龜而復返於午未幾而又轉而南屢易居而突不
得黔大懼荒墜家學終歸於臧穀之亡羊邯鄲之失
步也所以竊倣安樂祖師法門以爲寓中觀省之資
君其爲我記之著作而曰翁之寄意也遠寓警也深
誠能隨其所遇之境卽其所過之地而安吾分以居
之則何患乎處之之難也雖然余觀世之人平居循
故常者其安也順而易而若夫處棲屑困拂之地則
每覺危而難安須先打透得一寓字然後始可以言
乎安矣蓋嘗聞人生之動息偃仰於穹然隕然之間

者只是一箇寄寓身也。或聚或散，或久或暫，何常之有？古之達理之士，知其然也，不欲以遽廬暫寄之身爲物所役。凡於進退離合，勞佚忻戚，常曠然而虛夷。然而樂以是終其生焉。此安分立命之大方也。今翁北南搬移之餘，始討得歇泊泉石，足以資枕漱樵採，足以給朝晡淨室明窓，足以寄傲而容膝。日早起冠帶靜坐觀書，有時滿引大白，醉則眠醒則述，由由然樂在其中。于斯時也，不自知吾身之寄於此者。客耶主耶？久耶暫耶？吾旣忘吾，又安知吾窩之寓也？夫然後安於心矣。心安則身安，身安則窩亦安。雖因樹縛

屋索居而無羣不爲孤也雖汎梗飄蓬轉徙之無常
不爲疲也况君子之所居者安宅也所履者安地也
書之安汝止易之安土惇仁大學之靜后能安尤豈
非吾人受用之要符乎至哉先夫子之訓曰吾嘗聞
諸先師矣人能定靜其心雖入水入火無所處而不
安翁之爲是號以自警其亦有所受矣又豈憂家學
之或墜也異日者幸而挈妻子載書籍還于故山則
雖無田可耕無屋可居亦將循是道而處之安往而
不得吾安哉旣以是奉勉焉因并牽連書之爲安寓

窩記

緘齋記

士君子之檢身飭行固不在牆壁標榜然夫以子朱子之大賢而猶且於佩韋之戒晦木之訓皆楣揭而覽省之誠能有是名而實行乎其中則名亦美矣而況乎拈出家訓之切於己者爲常目體認之資者尤豈非繼志述事之善者乎我再從弟信民文雅謹拙人也適者棲寓於松鶴山中扁其齋曰緘有書於余請一言以識之余聞而擊節曰噫吾弟之取義於緘者我知之矣余嘗聞先叔父下庵先生之教曰古人詩莫言人長短言人我自傷言山言水外緘口過平

生二十字昔我敬受於先妣膝下終身念念莊誦不
啻若白圭之三復若曹其皆服膺焉晚年又以山水
名齋蓋亦取言山言水之意也小子輩日侍文几親
炙不爲不久而山樑一頓法語難聞懼無以體守遺
意以庶幾乎言寡尤行寡悔矣吾弟乃於離索之中
永念夙夜之無忝深戒樞機之或失必以古詩中緘
口之語把作頂門上一針吾知其真得家庭間單密
之傳而其亦暗合於韋齋號移揭之意也歟大抵緘
之一字衆妙之門而斯意也蓋本諸孔氏遺書矣昔
吾夫子入周廟見金人之三緘其口呼門人曰志之

此古之慎言人也夫口容之含默而不妄發誠如金
口之緘焉則何患乎招尤而起羞也凡於平居語默
之間日用酬酢之際恒惕然內省于心曰一開口而
無或忝我先人訓辭乎一出言而得不有愧於壁上
楮題乎提警如是檢防如是常若父師之臨其上則
方可謂善繼其志而於緘之意盡之矣吾第其勉乎
哉抑有一說焉先叔父又嘗推演詩意曰不徒勿言
人長短雖山水美惡亦不須言旨哉言乎吾第所居
山水鄉也重以此訓爲君誦之

跋

退書百選跋

退陶先生書流布華夷爲洛建後第一文字其片言隻牘何者非妙道精義之發顧其篇帙不少遽難究竟故前輩又間有節約之工蓋節取簡要以便省覽是亦學問中一事也惟我曾大父平地公博學信古不喜著述晚年乃手抄先生書札之尤切於受用者纔屬筆不幸未卒業此後孫無窮之恨也且集中書類合十六冊而今按家藏只有下八冊抄目或者嘗并抄分編而逸其上歟夫古君子厥有未成書而後之續成者可數其人矣不肖生晚識淺繼述非其能

然竊感前人之志未就也謹因抄錄而參考元集妄以己見追補其上一半之闕者下則仍其舊而間復添入總滿百而訖焉其編次義例蓋倣百選朱書也今此所選視夫全書才得十之一而其敬義博約之功進退辭受之節動以考亭爲師明斯道惠後學之意則大要具於是誠以此篇爲初學下手之始更就湖上節要書以博其趣而末乃淹貫於一部大全則其於先生之道與學庶得以該詳略而徹始終矣然非敢以是求多於人只要與一家後生私相講授體先志於追述窺大明於隙光愚蒙僭竊之罪尚或可

恕也歟歲己丑長至月謹書于大慕山齋

曲城世稿後識

我東方文藁之行于世者殆累百家雖或有遠近隱顯詳略之不同皆足以徵古家文獻之美而至其箕裘世世父以是傳之子祖以是傳之孫者蓋甚鮮焉然則文章事業之一家紹述豈不難哉余讀曲城廉氏家乘輒擊節敬歎而繼之以感慨不已也竊嘗論麗朝人物必以忠敬公梅軒先生為第一流其威德大業國史載焉名滿華夷功存社稷出入進退之節維持匡救之力巍然為五朝元老又有三賢子接武

而起若菊坡公之建議革胡服從華制定行三年喪
之禮者大有功於名教以至東亭公之忠亮勁直清
江公之孝友文雅觀於枕流萱亭之記亦可据信焉
在國朝則然議公之翊聖御命而有春亭之序
焉叅判公之臨亂敵愾而有金陵之誌焉噫子而述
其父第而踵其兄孫而繩其祖風猷文彩之赫赫綿
綿誠古今之所罕見也然而喬木世胄之門滄桑累
變古籍寢泯遥遥雲仍之落在遐鄉者索然抱衰替
之恨名家之盛衰無常實與世道升降而然歟迺者
其裔孫重默合謀南州士友祀梅菊兩賢暨叅判公

於龜淵之社又博採連世遺蹟於輿地文選及諸先輩集中而附之以家乘編爲世稿二冊將圖剗剗而壽其傳苟非追遠之誠勤且苦者能如是乎烈火之餘片玉猶存以待今日後裔之手而掇拾聯綴者誠若有數焉則曲城氏來復之漸亦當於此乎卜之也抑著秀別有所感於中者我先祖杏村公寔與梅軒公同登相府德業相甲乙紅賊之亂俱扈駕而南更直野次不避艱危而凱旋之日又有元巖驛唱酬佳句杏村之胤平齋公之歿東亭公與牧隱柳巷諸賢共力豎碣而爲之銘我家聯芳之集備載其蹟而今

於廉氏世稿中亦間摭而附著之當日事契之密實
兩家後人之所宜講服也將見是稿也與我聯芳集
并行而齊美則著也義何敢愬然於文字之役哉旣
以是告重默甫因識數語於卷末以寓孔李通好之
誼云

金懼齋實紀後識

金上舍秉壽氏嘗語不佞曰子知夫吾宗先世有懼
齋公乎公東都人龍蛇之亂與從弟畏齋公從姪栢
巖公倡義糾旅赴權花山永陽陣中而復城之日與
有力焉繼而抗鷄林賊栢巖殉畏齋病而公獨始終

以之鹵獲甚多 朝家屢降爵賞而未嘗自以爲功
寇退後遂晦跡山水間書史自娛年九十九而終其
績偉矣其志高矣世有識其真者乎不佞肇聞而擊
節聳歎恨不得彷徨於孔巖西浦之間以想象其遺
風餘烈迺者公之後孫疇洛甫訪余花城之東奉示
公遺蹟請一語以識之不佞非其人然聞公之風則
雅矣卽欣然歛衽而讀之大抵皆昔之所得於上舍
者而尤加詳焉噫一家三賢同舉義旗雖有或生或
殪之異而其心則均之爲顏杲卿兄弟也至其韜名
歛功退老堪巖則又似馮主簿之獨屏樹下裴晉公

之不言平淮也且夫文學贍逸東都官舍有偉頌一篇而詞采燁如栢巖公之立殫也爲作招魂些以哀之而悲憤激烈瀉出自家之忠肝義膽又有非古之少文徒讀者之所可能也以至義壇同盟之錄諸賢叙述之文俱足以按據而徵信異日太史氏有能書公汗青并美於同時諸義士之列勿令南霽雲雷萬春闕載於張中丞傳中則公之名雖云晦於一時而且將昉於後也歟別有一事慨恨者鶴峰先生之開府晉陽也公單騎馳謁至有一二贊畫之言真禦賊良策也見在家牒而於鶴峰集及李松巖龍蛇日記

并泯然無一字何也竊念賊未平而先生遽不幸亂
中傳錄槩多疎畧且考年月則公之進見先生在松
巖湖西役之日日記之闕公名勢亦然矣如得大賢
一言之重垂諸簡策尤足以有辭來許而顧未及焉
可勝惜哉并識所感於中者附之實記之末歲在戊
申春三月固城後人李著秀謹書

李子書節要後識

李子書節要一部卽益齋鄭公所編而其義例蓋倣
朱子書節要者也惟我退陶先生倡明絕學於海東
千百載之下明誠博約之工出處進退之節動合朱

子法門而其妙道精義之發於論著者又與朱子書
并傳于世地負而海涵後之君子節約其書以便省
覽以惠蒙學亦所以深體老先生尊信朱書之意而
與有功於斯文者歟鄭公諱焜崇禎處士石門公之
長子也石門學於愚伏愚伏學於西厓陶山門下淵
源端的其得於私淑講授之餘者必有一副當真諦
矣今觀此編費盡一生功力精於取舍謹於裁節而
手寫淨本以待來許是豈記誦尋摘之士所可幾及
哉公之後孫仁壽仁睦深恨先蹟之沉湮要與同志
諸人合謀繡梓屬著秀以文字之役著秀復曰累世

巾衍之藏始出於賢孫之手圖所以公傳誠後學之
幸也然是書節要近又出自湖上此編之成已在湖
上百年之前且念兩本抄節不無去取詳略之殊二
家各存之使夫讀者得以參觀而互攷未必無益於
講學正所謂并行而不悖也遂略識顛末以附于下
云歲甲辰除月上澣後學固城李著秀謹識

義楔案識

大學傳申言用財之道而結之曰國不以利爲利以
義爲利夫義之爲用家國一也惟義所在利亦隨焉
苟其施諸事者宜出於公共之心而不循一己之私

則有財有用何往而非義也民興於義可以優於天下豈但爲一人一家之政而已耶迺者月會之席宗君景涵諗于衆曰吾宗自宣教公以後門戶稍衍至孫行而爲十五房見今總功袒免之親多至八九十家而貧益甚凡於喪葬嫁娶之節窮無以致力者十居八九縱欲出手拯濟顧博施無方今以十五房嫡長家各出多少貲而視其力爲差等益之以圭田剩餘爲吉凶緩急之資則其於庇族惇宗之義可庶幾乎茲論一發說之者衆遂講定節目名之曰義契蓋倣范文正蘇州故事也夫以范公先憂後樂之志身

享萬鍾之祿力足以仁庇九族而猶且以此一舉傳之爲千古美事況乎韋布之士志存大庇能行古義者乎合大小宗而統衆支固義也爲支庶而承奉宗嫡拱手仰成者亦義也其各顧名而思義以鄒夫子窮不失義之訓董江都正義不謀利之語爲立身行事之本而申之以周禮之六行張公藝之百忍情愛相孚式好無猶尊祖重宗而無親疎之別周貧恤患而無物我之間則爲我先人十五房之後者雖至百世之遠猶夫同堂之懿而垂諸來許亦將稱之以鐵城義門豈不休哉然則斯楔也真可謂以義爲利者

也盍相與勗焉

箴銘要訣後識

鄭君景勲勤謹慤實好讀書有志尚真孔子所謂可與共學者也嘗寄空紙一丹要余寫近體程文顧余筮籬此業已近卅載弱冠時些少蓄積散漫亡失君之此請豈非借視聽於聾聵耶旣無以應副則當全還空丹而一切孤後生之托亦非勉進之道也迺於寒齋吟病之暇謹撫古君子箴銘要訣滿十而止筆雖陋拙言皆切實奉而歸諸景勲繼之以數語曰昔龍川陳同父嘗請大字書於朱夫子夫子爲書張思

叔座右銘曰萬一有助於積累涵養晬面盎背之功
退陶先生爲南李憲書箴銘諸訓而曰苟真知力踐
之爲務篇篇句句皆實學也如或染俗而壞訓得少
而自足則雖聖賢格言日陳左右其奚補哉余亦僭
以朱退之訓爲景勲勉之

謹書龜湖公遺戒詩後

萬事人間是與非縱然相值不須磯平生
用力希夷字留與兒孫作範圍

右一絕詩乃我叔祖龜湖公易簣時遺戒也公天性
坦夷德器凝定孝友篤於家信義孚於人晚歲構亭

于龜山之陽扁以曳尾而作序以見志平居恬曠語
默無妄讀書課兒之外不以一物經心凡人世間是
非得失未嘗形諸口焉觀此廿八字其平生所養之
厚從可知已獨惜夫以公之高文邃學若將有爲而
畢竟懷寶林園韜晦以沒世此豈非有識之嗟悼而
吾家之不幸也耶抑因此別有感焉我王考桐湖府
君嘗有言曰不校善惡於當時誰復毀譽於流俗其
疾革也又自銘曰無善無惡誰譽誰毀不求不營何
憂何喜於予我二祖遺訓何其前後而一軌也可以
傳之百世把作一家之柯範矣爲我二祖後者誠能

體守先志佩服遺誡出一言而曰無或得罪於先人
訓辭子行一事而曰無或忝失我古家風猷乎恒存
是心念念不忘惕然若先靈之臨乎上焉則其於持
身應物之際庶幾無大過而方可謂善繼善述之道
矣詩曰夙興夜寐無忝爾所生又曰教誨爾子式穀
似之其此之謂歟既書此以自警且以告龜湖公之
孫士剛氏云爾

字辭

再從弟佑民字辭

周人有言啓佑謨顯種之以德積之以善光前裕後

正以罔缺匪旣焉食匪濇焉發李氏五哥旣冠于首
名汝以啓字汝以佑顧名求義無念爾祖於惟古自
大啓厥宇友善遺範投紱高標谷泉源遠五龍矯矯
孝友箕裘詩禮門庭理驗錫類鵠峙鸞停季兮如玉
法家肖兒溫良爾性文雅爾姿旣啓旣昌有本如是
惟其佑之是以式似爾年旣富責之以成成人有道
無忝所生父母稱孝鄉黨稱悌學古蜀叅制行砥礪
養正作聖罔不在初立揚顯親大爾門閭天其保佑
永終令譽勗哉佑民敬聽斯言

李養天

復浩字辭

李氏復浩新野門生及冠而醮翁乃錫名顧名思義
何以字之字汝養天乃演其辭河圖著象陽復爲亨
天心可見善端初萌苟失其養曷能充擴是以鄒聖
氣浩養直配道與義塞于天地二說雖殊功用一致
靜觀此理無間天人有翁必闢既屈能伸恭惟乃祖
毓慶善積派分七世可驗來復國子有後介爾式穀
道備成人年及志學肇發其軻必先養蒙養之如何
毋負降衷孝悌本立文學力餘培根達枝以復其初
動息無違言行罔愆終焉浩浩善養吾天母曰天遠
只在我躬爲人之術此其始終聖有明訓學之可及

亦粵紫陽萬世爲法屏翁善祝木晦春敷申以面命
三字有符不遠其復以晦而養希顏有的重汝指掌
名言在茲敬守宜敦如吾不信且質師門

族曾孫大而字辭舊字聖集

於惟大宗十世種德有積必發有溉必食曾孫有子
肇冠其首名而字之義竊有取鍾者聚也聚而後大
涓流達海撮土成泰卓乎先聖大哉集成有始有終
金玉其聲維士尚志聖可學兮降衷罔間遐不思齊
真精所鍾其大維人成人有道皆備吾身用宏斯賁
何以集之孝悌溫恭維德之基敬以宅心謙以受物

善小勿遺行細固忽毋敢自大學貴遜志刊落浮華
佩服精粹功深力久寸積銖累凝道作聖發軔從此
維其有集是以大受萬善皆歸百祿覃厚乃大門閭
立揚顯親彌綸天地致澤君民擔夯許大倚望尤摯
克婉爾相承我宗事子子孫孫鍾毓休祥神人胥悅
宗族有光欽哉祝辭夙夜瞿瞿匪我言夸維聖之謨

柳士行字辭

維士有志遠大是期四方弧矢粵自幼時幼而學焉
壯欲行之周道如砥不失其馳敬以爲輿禮以爲軌
行之若何必自近始其近維何鞭辟向裏庭衢八荒

枉席千里苟或凌躡游騎遠出楊岐道窮夸步力竭
所以吾學循循日邁旣勿躁進又囙中廢望道雖遠
發軔奚遽階級有序脚跟可據宗廟百官盡在門牆
瞿塘太行平步康莊鶩道向前進進竿頭終焉歷堠
任重何憂凝道作聖在我深造立揚顯親無遠不到
愛爾慤實法門典刑趨向已正見詣能明萬里前程
今纔出戶迪汝當道證之以古先聖指南路脉無差
易曰履坦書言陟遐遠遊一詩入道之門在昔屏翁
祝以晦根高山仰止我師文公勗哉士行念念省躬

贊

大學贊并序

歲乙亥春省墓宿墳庵夢先君子與從叔
父對坐命著秀作大學贊不肖承命而退
既覺涕流盈枕嗚呼不孝無狀早孤失學
一未體行先志而其丁寧教詔之方乃發
於齋廬假寐之中一氣相感理或然矣其
殆悶余小子之摧沮隕獲將不免小人之
歸而有以警發之耶嗚乎至矣時余方讀
是書謹爲之贊如左

於皇降衷人得爲德純粹光明渾然太極五常固有

百行由出不啻於愚匪豐于哲云胡衆人乃反昏惑
旣拘於氣又蔽於慾上帝是惻爰畀君師敬敷天秩
昭揭民彝匪學焉覺匪教焉牖學有大小教有先後
先其小者八歲啓軔禮樂書數孝悌忠信習成旣久
趨向自定培根達支功在作聖年及志學乃進乎大
兼該本末貫徹內外綱舉目張粲然三八頭項各異
地步漸濶維明厥德最初工夫物累雖昏明未嘗無
如鏡磨光如水澄源乃復其初卽此而存明誠凝道
應用如神夫豈獨善自新新民好懿皆同祇台以先
鼓舞振作咸與丕變凡此二者止於當止天理之極

人事之至如民止畿如傷止隅真知實踐動罔或踰
苟不知止曷有能得是以吾學先事窮格人必有知
物必有理高厚幽顯動植流峙近而一身遠而千古
罔不詣極洞見精粗既明心體迺立誠關情發為意
眇繇其間善惡之幾人鬼之判防微塞源毋敢自謾
處獨如衆好善易色積中彪外皇皇潤屋意既誠矣
心豈不正猶懼物誘繫累為病四有三不欲動情蕩
於斯密察更加存養正心修身雖無二致莫云內直
外自合義表裏相資禁厥非辟無偏無陂無反無側
公爾愛惡各當其則其身既正可行家國齊家有道

舉此措諸詩讚刑于易著威如爲子止孝爲父止慈
人倫旣篤家道其宜宜其室家正是國人成己成物
興讓興仁國而天下以是道推其道伊何矩以絜之
心有是矩正大方直體立用行操約施博老幼上下
親疎遠近四亭八當各盡其分用人用財得國得民
同其好惡無物不均繩直準平表端影從用之四海
何往不通典章文物皆在其中中和位育其應無窮
斯吾所謂大人之事知行兩至功效悉備綱以包條
經以統傳關鎖重重階級可見苟或闕一豈曰聖學
循序漸進上達天德若言其要敬爲心法主宰方寸

放彌六合粵自小學涵養已熟綱三條八用是爲的
言忠行敬蠻貊何難君子篤恭修己以安放勲欽明
睦九章百所以此書祖述灝噩聖人不作學絕教頽
朝無善道士乏良材孔傳曾受辭約意盡救時設教
斯文不泯河南表章考亭補亡開示入德絜頌提綱
功大聖門道明衰世指南窮宙永賴嘉惠嗟我晚生
旣蒙且癡學蔑爲己才愧需時尊信此篇功倍他經
受讀家庭積歲研精宵寐氣感實發愚衷孤露屏伏
補過省躬庸作贊詞以替盤銘坐誦行思無忝所生

銘

自警銘

改之不勇則無以進於善守之不堅則無以立其志
苟能勇改而堅守之孰不可與爲君子

上樑文

明湖書院講堂上樑文

歿而祭於社百世之風猷尚存古者黨有庠三代之
教法可考瞻高山而仰遺蹟捨舊院而立新規恭惟
容軒先生河嶽毓靈星斗降彩稟正大壁立之氣秀
出萬人應文明奎聚之期際遇千載課忠責孝趾美
乎文貞文敬之家論道經邦佐理於太祖太宗之

世宅百揆而寧萬姓人賀勾衡之平歷四朝而秉
一心國倚柱石之重功存翊漢王府藏丹券盟書名
播觀周天子呼黃髯宰相蓋其勲勞事業皆本於學
問之純深亦有言論文章可證於師友之推許圃隱
翁許以儒術淵源有自來春亭老讓其文衡詞律特
餘事銘彝鼎而考績展也國朝名卿載簡策而流芳
允矣經學君子矧予遺澤之遍及於吾嶺是以追慕
之尤別於後人逮三世而復得忘軒公冠一代而大
振鐵城氏鍾純剛於天地凜乎貫日之忠繼正聲於
風騷燁然華國之藻從師講道寒蠹睡濯之齊名通

籍蜚英昆弟叔姪之踵武蓮燭歸院賜暇讀書之堂
玉節朝京解撰清河之頌不幸師文之禍一網打於
正人柰何孤臣之囚六載困於荒徼流涕黨錮之籍
復見白馬清流正色危亂之朝卒陷青鼠大難天日
改照深燭覆盆之冤璇筆親題特降旌門之典惜
其經濟未試西厓之錄備詳猶有文獻足徵永嘉之
誌昭載猗歟德業風節偏萃於一家宜乎俎豆羹牆
崇報於千祀肆明溪設此道院惟名祖配以賢孫盖
倣鹿洞舊規并睨劉西澗父子雖非畏壘遺址何害
庚桑楚祝尸可見秉彝之衷無間遠邇尚欠尊賢之

道未盡謹嚴云胡鬼魅窺靜謐之中猝然事變出意
慮之外神棲驚動不可仍奉於危邦士林憂惶亟欲
改圖於他所所以自廬江先唱咸曰惟福州允臧按
節南方最愛崇禮尚儉之俗擇居東郭遂爲貽謨種
德之基白鶴歸於遼陽尚認李翰林之門巷朱鳥影
於滄海長繫張僕射之名聲湖樓舊題至今照臨川
之筆杏亭高會曠世感通泉之墟兩岸之臺榭周遭
卽孫曾休退之地一郡之庠塾列峙是仁賢輩出之
鄉召亭的在何州斯可驗遺芬之未沫濂溪移就舊
號夫孰曰新創之有嫌牧伯郊迎奉板輿而奔走雲

仍愴感掃江閣而權安乃是詢謀之所同庶幾安侑
之無憾爰卜二水上名勝正合兩亭間排鋪首艮尾
坤襟帶叶明河之象背离面坎方位取神道之幽湖
山十里仙家始覺詩語之符驗文藻百年古宅更看
衣被之昭回鬼秘神慳自是名區之有其主臺平界
濶又豈庠舍之不能容運木石而經營稍待數年蓄
力捐簪佩而勸相皆願一心殫誠在去歲先立翼翼
之宮而今日繼起渠渠之屋衆工執藝一聽匠氏之
指揮多士獻圖傳付奚斯之主管事鉅力屈幾歎規
模之未成日吉辰良旋喜縟儀之將舉乘雲車而陟

降如挹杖屨之光塵聽所鼓而周旋復聞絃歌之正
響是豈爲文具之虛設且將見名教之重明迺助
上之呼籲作曲終之奏

拋樑東海天初闢日輪紅須臾照破浮雲蔽影入台
垣玉燭同

拋樑南嶠嶺千年聖化覃攬轡澄清遺愛在家家絃
誦與農蠶

拋樑西廣陵松栢白雲齊山河帶礪無今古碑面煌
煌信筆題

拋樑北淑氣花山天峻極鍾得貞忠扶國綱表閭長

使後來式

拋樑上列宿森羅辰極向更看奎華一點明海東鄒
魯重回旺

拋樑下滾滾長河日夜瀉一理流行萬古同聖人曾
歎如斯者

伏願上樑之後地靈呵護儒教興隆籩豆靜嘉恭修
四時之香火襟佩彬彬苑樂育一方之英材誦其詩讀
其書仰軌轍而思跼居子仁由子義攀戶牖而同歸
二三子益懋講明千百歲永觀成效

慕亭上榑文

考槃在阿幽居矢碩人之軸升龍望墓永思切甄氏
之亭白屋之寒素履之吉主人性本鳩拙志則鵬圖
生爲丈夫躡後於名勝之列樂有賢父講服子詩禮
之庭始以十年爲期暫效雕虫之技終無一長可取
難免畫虎之譏學道昧方鄙儒無謀身之策歸農失
晚貧兒之養志之資唉時運之不齊奄窮民之無告
靡掩蓬藿庾蘭成銜索之悲詩廢蓼莪王偉元攀栢
之淚貧賤憂戚誰云玉汝于成隕獲摧頽益歎鼎器
之弊於是乎絕意名利且將以終老巖阿性癖林泉
不是標榜之自立才愧瑚璉只合圭竇之深藏堂揭

隨樂之扁冀體守而毋忝家傳趾美之錄恐圯絕而
固階逮午郊之搬移慨桐江之寥落携幼將老混樵
牧於荒郊感舊悲今空文藻於古宅達士由來知命
不待鄭詹尹之卜居造物隨處戲人誰賀王參元之
失火自是有分劑前定豈可以智力妄求去矣守東
岡之陂從此依先人之側密邇丘隴山名合孺慕之
情映帶林泉地勢極幽閒之趣死徙無出鄉井敬所
存於梓桑飲啄自在江湖飢亦樂於衡泌把做自家
境界料理拙士規撫巖穴足以安身何必兔營三窟
甕牖優於容膝正似鷦棲一枝村人各助貲材可見

隣誼之厚子弟皆操畚鍤不煩民力之勞竊茲一區
林樊居然數架茅棟因樹爲屋莫云逃世之高人織
席爲門自分固窮之寒士千萬間廣廈雖愧杜工部
大庇之心四十年殘書竊附朱夫子隱求之志環以
茂林喬木總是太古之精神兼有霽月光風認得吾
家之氣象春花秋葉四時之物華長存水漁山樵百
歲之生涯自足志士不忘溝壑付身世於靖潛君子
可居高明快心目於眺望生而逢有道之世浩然入
無窮之門自茲保物外形骸予以修分內職事家有
青氈舊物不羨萬籩之金身爲黃卷中人無絕讀書

之種開明窓而靜坐皦如朝旭之升處暗室而提惺
澹然夜氣之養居而安樂而玩研屈伸消長之幾窮
不失達不離判內外輕重之別從事乎冷淡家計期
至於昭曠原頭發爲文章漱六藝之芳潤施諸閭閻
敷百行之本源上不負賦與之天下則有歸報之地
無求無忤何用不臧以教以游於焉卒歲一生之志
願在是六偉之頌祝無他

拋椽東碧潭深鎖老龍宮憐渠未作人間雨時噴晴
天萬丈虹

拋椽南玉筍諸峰繞翠嵐把作吾家佳子弟充堂衍

字百斯男

拋椽西三世亭臺北斗齊萬里鷗心波浩蕩至今人
誦退翁題

拋椽北歲暮寒花山寂歷風樹人間追慕深白雲千
載護瑩域

拋椽上雷風日月相摩盪試看玄宰無停機乾惕吾
心不敢放

拋椽下萬木叢叢圍大野林下有人歌反招曲中懷
我知音者

伏願上椽之後先靈陰隲家道日肥憂國愛君歌詠

康衢之烟月課農養老頌禱壽域之春秋都忘一朝之憂永保百年之樂

祝文

谷泉書堂山神祝文

伏以神明宅茲山而鎮茲土凡我依山而屋而列塲連墻者惟神庥是賴每歲時伏臘團會家塾起居呼吸之與神通講讀游息之與神交而明粢報賽之禮其來久矣近者一種沴氣之屯遭而鵠肆者如火燎原彌漫村野逼拶山門舉皆傷竄龜伏而尚幸我同堂同井獲免撞着之患此豈非垂仁著靈有所默相

而然歟茲於歲首吉辰齋沐駿奔于壇墀之下執酌
而祝曰於赫明靈厥施斯普默贊玄緯揮呵不祥物
我同春神人胥悅又祝曰於樂山齋讌我花樹肥家
島藻漸達鴻儀勿替引之永綏後祿

退溪先生文集重刊後告由文

先生之文海東一經先生之訓炳朗日星上配涵負
千古并傳家吟戶誦布滿九埏第惟初刊閱年三百
梓繡塵埋蚪蚪虫蝕雖勤補綴尚多虧欠責在後學
迺圖重鋟幹事諸人積歲殫誠雲仍協力縫掖同聲
迺寫迺校于彼鳳寺西樓舊題玉臺遺址曠世通泉

如奉杖几工始執藝維暮春朔神剌鬼列事實成速
月維流火迺底功訖匪多前人若待今日紺帙煒煌
五十一篇繫以年譜遺書迺全流傳益遠天壤與齊
敬奉一部載歸巖棲洋洋降監惠我光明式遵古事
敢告厥成

明湖書院移奉時告由文

大東會昌碩人應生河嶽鍾氣奎壁降精圃老門生
文敬家聲有德有學允矣名卿歷事四聖帶礪同
盟進宅百揆開府鐵城時賢攢賀經術勻衡正大壁
立沉默淵淳廿載東閣坐贊升平黃髯宰相羽儀皇

慕亭先生文集卷之九

京太史有書彝鼎有銘風猷不泯百世景行有廟欽
崇于嶺之清亦粵忘軒克紹典刑同堂齊殿寓慕虔
誠世道日淪妖孽潛萌變出不虞神人震驚捨彼危
邦移建有營惟此花城山水文明南崇故國樓榭留
名雲仍世居喬梓敷榮於斯尸祝允協輿情如水在
地奉昇脩程儒紳駿奔牧伯郊迎權宜暫奉湖上名
亭曾孫是構皇祖以寧爰相斯邱廟貌將成蠲誠奠
菜敢告尊靈

右容軒先生

敬惟先生氣鍾純剛濟世才德華國文章聰明博雅
詩禮義方師門就正講服行藏 宣陵盛際翰苑翺

翔入贊經幄退暇湖堂摘藻吐鳳軒輒感唐通州一
詠膾炙中邦想慕文山朝日寒芒吁嗟戊甲哲人罹
殃紋枰笑著六載投荒直道難容身闕名彰睡纓同
歸寒蠹齊光清流白馬志士興傷聞風起懶百世難
忘容軒有祠配食南鄉斯文運否風教淪亡皇祖不
寧震惕驚惶儒紳胥譟迺圖更張睠茲花山實維梓
桑璇題棹楔尚認舊坊湖樓咫尺杏亭茫蒼畏壘尸
祝此焉允臧孫而祔祖陟降洋洋禮變從權廟貌靡
遑載奉江榭日吉辰良敢告厥由歆此心香

右忘軒先生

祭文

祭敬堂張先生文

緬禮時○代龜溪士林作

先生有圖洞觀消長紛綸升降古今天壤君子道消
經幾百歲風猷漸邈世教彌替一元循環往必復歟
九原可作願舉藍輿仰瞻前和如見玉色清修篤行
先生之德主敬存誠先生之學瑤絃理韻隴雲私淑
宗師鶴厓的統存葛于錦于湖滾滾不竭上承下授
珍重衣鉢孰不山仰我龜尤別門生後屬宅相來昆
誦詩讀書沒世難援彷徨舊墟光霽千秋有孫肯構
塗墍藏修載圖寂歷爰傷畏壘杖屨留芳草樹衣被

於紳齊邀紼路先導洋洋降隲俾昌吾道

祭壺谷柳公文

維南有湖源接陶水吾道復東鴻儒繼起是時岐下
連峰對峙兩世文獻一家名理乃生夫子適追前軌
勛書志篤近道姿美冰壺秋月表裏無滓早登師門
西山父子尊吾所聞木鍾徽旨道本修齊學優強仕
天聞臯鶴廟薦瑚簋三佩郡符海山棲止氓獠戶誦
樂道易使退賦初服先公是似臨溪有亭淨掃端跪
菽粟文章牛蠶義理覃思研精驗之操履繩趨矩步
正衣尊視晚修彌篤清明在己天餉三達望隆遐邇

究此大業惠我蒙士貌茲癡呆不辨友豕晚以書贊
亟拜函几假我尺地親切提耳人之爲道所貴學爾
可惜悠悠虛生枉死先立家計著已近裏彼口耳者
枝葉而已高山定論曾傳要旨面誨書諭莊誦鐫髓
每擬執經卒承鞭箠離岳遽旻君子道否法門寥落
士趨日鄙孰張吾軍倡率鄉里有志靡就獨抱古紙
虛負教意內省多耻文愧狀德禮犯幼誅荒辭籲衷
靈庶臨只

祭葛川金公文

公昔有言聞我先生士必志學學貴成名苟不立志

曷克有成倚此旨訣公所體行蓋公基本朴實淵閎
凝定器局薦直課程迺就有道伯仲柯亭覃思研究
質疑豎橫魯而能得師門的評是時川城吉士彙征
大方文獻赫閎簪纓仕學俱優昭代蜚英侯司宣
命侍講橫經歷事兩聖崇躋亞卿四典雄府苑有
治聲氓獠戶歌塞垣秋清蓬萊了債拊松山庭天
書屢降丐我餘齡晚修罕篤觀玩不停燠爐清晝秉
燭深更研榘左右列侍寧馨其在鄉黨持論公平儒
紳領袖法門典型貌茲末學迷道聾盲鑿樓聽講多
士崢嶸謬蒙推詡實發表情張皇簡牘笥束箱盈契

集賢堂先生文集卷之十

緊抽鍵寫懷投瓊興言策駕陪誨軒楹維北有斗祝
以彭鏗運否吾黨胡遽仙輯東山未起南極晦精蒼
梧雲暮朝彼玉京重見前和改卜新塋花深寂歷鶴
返遼城廣瀨嗚咽搔首桑瀛壺翁舉緬又迫再明山
南寥落地下逢迎後生悽愴孰喚惺惺念公平生履
道亨貞幼學壯行存順歿寧君子之終匪哀伊禁太
史可書貞珉宜銘我愧知德曷敢蠡傾晚哭斑狸辜
負冥冥靈其降歆此菲誠

祭新野李公文

道東千載溫退聯芳家傳寶匣為冑為旁箕裘經學

絢錦文章玉佩矩步名播芹庠醇儒董賈新進游楊
是時先王作士思皇中庸有道願聞其詳先生獻
策大筆鋪張中和費隱悠久無彊放彌藏密挈領提
綱承明促召御爐凝香天顏咫尺袞褒煌煌大
嶺文雅先正義方宏辭邃識可使經邦明良喜起際
會虞唐瀛洲列仙爭艷寵光拜謝淑諧益懋康莊學
優從仕何媿循良非余負丞世路羊腸風波舍違潦
齋行藏晚膺徵書重入桂坊丹枕北闕素志東岡
端居味道書溢縹緗天人性命帝霸皇王體認操存
君子日強年德俱邵名實深彰高山是仰士多升堂

蘇詩集注卷之十

顧余顓蒙多歧亡羊文曾責沈書晚謁黃謬蒙引進
不麾門牆面命諄切文字參商立雪前冬寢疾委床
扶坐整冠細叩暄涼心圖一款更合思量分排宗孽
義似無妨留待病間究竟亭當聰明不衰酬酢平常
奉誨辭退默禱穹蒼纔踰一旬奄哭山樛法門衰敗
古道淪亡抱經靡質墜緒茫茫月吊新湖烟鎖圓塘
三霜荏苒俛仰增傷緘辭籲衷地老天荒

祭好古窩柳公文

嗚呼祥麟瑞鳳世不恒出先生之生夫豈偶爾哉命
世絕倫之姿明體適用之學深造獨得之見曲暢旁

通之識求諸叔季惟先生一人而已先生天得既富
地步已廣而又復就正巖亭私淑湖門乃以師友講
服之言反而求諸靖潛體認之中則是其日用動靜
無往而非至理妙契疾書渙然如冰解傍推遠引沛
乎若河決發前賢之未發而貫徹於天人性命之奧
味衆人之不味而咀嚼乎詩書禮樂之腴六經百家
之編如誦己言三微四游之妙若指諸掌學之似泛
博而端的有據依說之疑近遠而切實有施措其與
曲學阿世之士索隱行怪騰口舌而誇辯博者豈可
同日語哉及夫年德俱尊名滿一國朝野之想望風

範無異瑞世之麟鳳而猶且杜門求志判內外輕重
之辨觀變玩占研進退消長之幾不以好爵之縻而
變其東岡之守其所養之正又可知己若使先生出
而行其所學則必將論思經幄講明精一之要發揮
星曆釐正占步之差酌損益因革之道而合時王之
制審皦繹瘠濫之音而反古樂之正斯可以大鳴國
家之盛而爲海東之模範雖窮而在下亦且勘定易
範以述家學編成四禮以補世教裒輯洛建之書而
節約要訣修潤滄浪之錄而大鋪宏言以作一家之
成書而留待後世之君子此先生之志也天何欲喪

斯文以若不世出之高才遽學而卒不得展布豈非
吾黨之不幸而千古之遺恨耶嘗秀以鄉隣末學晚
始書贊登門竊有素絲朱藍之願而特蒙威度虛受
討論緒餘犁然有契得之於談讌答問之間者非直
爲一字惠也更欲策駑磨鈍以卒承教而因循之間
舉比遽撤獨立冥途悵悵然何所稟質也前此有一
封書兼有數條劄疑而窮居失便未達於易簣之前
摩挲尺牘悔尤無及略倣王弼翁追答滇南故事敬
陳於筵几之下未知昭昭降鑒之靈默誘愚衷而幸
有以開發之否嘗將拱手屏息而俟之也

祭草堂庵李公文

寒棲之南下溪之濱有庵翼如扁以養真詩書禮樂
盡在其中誰其主之曰侍郎公公惟肯構夫子賢孫
海東昌平家學淵源既種既績迺箕迺裘蜚英聖世
黼黻其猷霜臺雅望玉署清班風標峻整秀出朝端
陳劄勉德十圖遺訣先王曰俞而補袞闕累典字
牧北闕西郵治以儒術去有民思角巾南歸霽潦行
藏心懸北闕樂在東岡高卧巖軒晚膺卿月三朝
舊老八座崇秩孝思無憾恩及前人爲政一室花樹
同春萬石家中北平門下箇箇圭璋苑有文雅天餉

純嘏豈第君子領袖吾林坐鎮南紀名繫朱雀蹟垂
青史原始要終鮮與公比來如瑞鳳去若仙鶴哀榮
并極順寧奚憾西河暮景曠懷忘旃二妙環侍泉下
團圓収子傳家繩厥祖武悠悠倚伏又何覩縷念我
孤蒙別有傷盡公暨先人晦翁康國窮通縱別休戚
是依光臨賀筵蓮桂交輝逮我星奔公在梁衙官人
遠訊慰恤尤加義高元振孤托叔夜誅言由裴雪天
躬駕街恩鐫骨百年山仰惟德是感匪物之貺謂孺
可教嘉惠彌敦昨歲拜床公有贈言曰爾乘間更尋
吾庵携我諸孫商確牛蠡高齋秉拂聽講留期不及

公在我心增悲內外先行十有五房長第淪謝公獨
靈光公又捐館後生安做仰瞻東巖如奉几杖溪山
不改度閣如昨有儼昭明鑑我衷臆

祭琴坡李公文

紫玉崔緯百世宗師求仁衍經一家傳貽古道不喪
公允蹈之彬彬文質抑抑風姿忠純直方惟德之基
蜚英聖朝乃龍乃夔啓沃經幄出納喉司鐵杖彌確
陋彼韋脂薄試于郡水蘄無疵廣文官冷博士家飢
抱琴湖曲歌詠鴻熙心安困亨德尊謙槁罄無不穀
眉壽維祺絲綸復降 王若曰咨文元有孫輔我明

病先朝舊臣德邵年耆侍講重雲思日孜孜忠言
讜論懿範弘規寵錫煌煌龍蟠墨池三世貽恩八
座崇資洛士載詠好賢衣緇年及懸車拜謝天墀
公歸不復公遽乘箕梧雲欲暮哲人先萎士失領袖
國無耆龜念茲孤蒙別有恩私強欲滋筆血淚先滋
我罪通天閔凶早罹千里京城故人其誰公時在朝
命駕晨馳首臨旅館痛苦功總迺通家鄉迺諏親知
捐貲以賻歛遂如儀迺飭輦夫哭送歸輅川霞二公
爲說顛委有子頑冥何以報爲飽經疾疾一拜猶遲
緘書效誠祝公期頤公曰我病見君難期公實教我

我何人斯嗚呼負恩雖悔曷追迢迢海山風馬雲旗
遼仙不返荏苒終暮未死殘喘結草何時敬惟令名
惇史應垂先生祭社有道銘碑高山景行永世無隳
迺證與誦曷容管窺昭明悽愴失聲激辭

祭谷口柳公

樂祚文

昔在庚午聽講高山公時在座博帶偉冠儼乎若思
嗒然無語縱余駿蒙識公高處于後侍讌私叩前疑
公笑良久略發微辭病世末學游騎遠出不若心存
向裏踏實倚歟公學深造自得知之極密守之孔約
傳貽有本文獻大方講服趨庭征邁聯床縱橫典墳

網綿補章之綿似錄

戶上下天人出入今古寤寐祈姚沿洄洛閩
詩宗盛唐文取先秦詞律聲病禮訟常變隻字神會
片言精辨掃却啁啾削去腐陳一切真諦反之心身
松篁繞屋靜裏真樂遺忘憾欣貌視榮辱厖眉不頻
閱恟靈光醇醪自淡網綿彌章晴窓玩易曠然無隣
恒存謹嚴漸見深純理達原反德存謙虛多言害道
妙契無書知者蓋寡孰得其真南州高士孺子之倫
端居味道病翁同歸以是求之尚庶其幾姻家後生
覲德有雅偏蒙引進累荷寬假冬宵忘眠夏日涼膈
鐫銘在心退而劄錄公曰汝來於我一旬孤露守株

我何人斯嗚呼負恩雖悔曷追迢迢海山風馬雲旗
遼仙不返荏苒終暮未死殘喘結草何時敬惟令名
惇史應垂先生祭社有道銘碑高山景行永世無隳
迺謦與誦曷容管窺昭明悽愴失聲敵辭

祭谷口柳公

樂祚文

昔在庚午聽講高山公時在座博帶偉冠儼乎若思
嗒然無語縱余駿蒙識公高處于後侍讌私叩前疑
公笑良久略發微辭病世末學游騎遠出不若心存
向裏踏實倚歟公學深造自得知之極密守之孔約
傳貽有本文獻大方講服趨庭征邁聯床縱橫典墳

的見門戶上下天人出入今古寤寐祈姚沿洄洛閩
詩宗盛唐文取先秦詞律聲病禮訟常變隻字神會
片言精辨掃却啁啾削去腐陳一切真諦反之心身
松篁繞屋靜裏真樂遺忘憾欣貌視榮辱厖眉不頻
閱恟靈光醇醪自淡絢綿彌章晴窓玩易曠然無隣
恒存謹嚴漸見深純理達原反德存謙虛多言害道
妙契無書知者蓋寡孰得其真南州高士孺子之倫
端居味道病翁同歸以是求之尚庶其幾姻家後生
覲德有雅偏蒙引進累荷寬假冬宵忘眠夏日涼隔
鐫銘在心退而劄錄公曰汝來於我一旬孤露守株

我何人斯嗚呼負恩雖悔曷追迢迢海山風馬雲旗
遼仙不返荏苒終暮未死殘喘結草何時敬惟令名
惇史應垂先生祭社有道銘碑高山景行永世無隳
迺證與誦曷容管窺昭明悽愴失聲激辭

祭谷口柳公樂祚文

昔在庚午聽講高山公時在座博帶偉冠儼乎若思
嗒然無語縱余駿蒙識公高處于後侍讌私叩前疑
公笑良久略發微辭病世末學游騎遠出不若心存
向裏踏實倚歟公學深造自得知之極密守之孔約
傳貽有本文獻大方講服趨庭征邁聯床縱橫典墳

回綿補章之綿似誤

十載因循南望天
天台遽撤帡幪
歲值辰巳宿德俱空
泉齋寥落內失父師
獨立冥途抱經何之
尚幸賢胤家學善述
庶幾資益追補黥刑
緘辭紓情越人之哭
仰愴俯忤千古冥漠

祭霞溪李公文

宇宙寥寥正道榛蕪
邦無司直士多纖趨
大雅誰作名教誰扶
寒棲古宅篤生鴻儒
崇深器局弘大規模
有德有儀抑抑其隅
講服詩禮夙味真腴
筆追王趙學模程朱
弱冠名播際會唐虞
文優誥命言合都俞
博學宏詞天人大鋪
先王曰嘉夫子家謨
爰通桂

籍廊廟璉瑚春坊翰苑玉署龍圖 宮筵帶經史院
搗觚誰之不若卒蹇亨衢多冠峨峨昵侍青蒲五鹿
可折千羊可毆漏卮中流隻手能抔鐵輪頂上寸剛
不渝直道難容退卧江湖廣文官冷雲視榮枯炳炳
丹忱爲國忘軀晚草一疏瀝血陳敷 袞職欲補民
隱其蘇鳳鳴爭赫逝矣陽梧焚膏筮遯誰秉要樞行
藏任天世無知吾坦履夷險學力難誣蘊此經濟收
我桑榆閑中事經史自娛深宵秉燭清晝燠爐凝
神几案常目盤盂有寶光明充溢書厨旁通漢唐上
邇文洙文章菽義理鎔銖妙契疾書不舍須史文

衡是主戶錯屨紉雄詞健筆各副人需碑板照四洞
徹真珠五龍矯矯玉頰犀顱家傳清白素無甌婁手
寫羣經遺汝封胡煌煌紺帙不換青蚨厭世囂氛志
在秉桴大觀溟渤飛上毗盧壯遊歸來氣旺忘劬攸
好康寧七十年踰爲是養靜暫入文殊白駒在谷誰
束生芻雲深道院日永仙區遂往不返世道堪吁長
生有願屈子何徂斯文運否耆老云殂明霞洞天過
客踟躕我思古人今也則無別有私臆感泣號呼昔
我先人友道相孚年若程龐誼密諒等不孝罹禍忍
說西都公時在泮存歿與俱主管喪事董率與夫羣

賢齊邀駕言登途霜風慘烈傷途盤紆後先扶將僕
痛馬瘡迺抵鄉閭閱盡崎嶇詩以相紓十絕哀歛愴
念故人爰及其孤有書筍束策勵疲駑我獨何人銜
恩負辜好德無誠貧病且拘涓埃未報候問多逋公
則不棄於予何誅父事有地海涵河濡拜書乞銘匪
爲揚揄公言不朽公筆非諛欲藉先友以賁泉塗因
循未圖公不少須恨遺千古增我嗚嗚靈辰不淹載
卜青烏家山六六望裏蓬壺是宅是寧何憾何吁向
時羸博達觀延吳同歸曠漠與化爲徒亦念殘生死
灰朽株早晚泉下爲公家奴先生臨止矜我蒙愚

慕亭先生文集卷之九

慕亭先生文集卷之十

祭文

祭四癡窩柳公文

凡人哭公哭以公耳我獨何哭私恫在已悠悠此痼
天地無窮欲語哽咽後私先公維南有河忠孝名門
皇猷黼黻家學淵源喬陰亦世伯仲名卿公爲季方
并武翹英望重喬嶽聲若洪鍾有質有文表裏醇濃
器合大受運值昌朝天心在嶺寵膺旌招迺試字
牧三綰郡章廿考居上無愧龔黃拄笏看山門外蓬
萊葛仙句漏謝老天台肩輿濟勝萬千峰頭名區了

債海山驚秋乘興歸來玉淵烟月樂在邱園夢斷城
闕古老淪謝公獨靈光年德俱邵坐鎮南鄉公平其
論忠厚是心休休容衆晚益純深宗師遺集繡梓將
新鳳寺今春主盟何人儒林索然公痛惟均爰及我
私哀哀鮮民往歲京館公暨川霞誠心惻怛事同一
家迺歛迺櫬扶舁出漢聯鑣後先國人嗟歎飄風弗
弗鳥道嶽巖舍馬徒行手自挽推閱盡萬劫迺抵鄉
閭言念及此血淚交墜毫毛骨肉孰非公賜有子冥
頑而莫圖報公則不棄終始履燾千里遠宦問遺相
續如子以視有書笥束險釁餘生父事有地淵亭會

校德義心醉前冬趨診氣息沈淹然猶接引誨語無
厭爲言明歲必錄重鋟速子同事暇日歡甚未信吾
疾勘結此事拜謝心祝彼鬼何忌後生無祿公不少
須孰卹我煢孰牖我愚新冀一葉晚報春信易簣之
夕遺命遠訊摩挲感泣念我何摯厚德深仁求之古
義銜恩在心庶奉塵刹不及黃泉更拜何日蓋公平
生福履俱全簪纓赫閥仁壽高年亦有祚胤克紹文
獻存順歿寧在公何恨攀輶一慟我哭惟私幽明罔
間尚鑑在茲

祭月梧金公文

士有不遇山野布衣蘊彩含珍知德者希不知何病
所貴在己絢錦文章芻豢義理玩樂之久充養之積
太和風味先進禮樂蓋公家學赫世文質齊思門庭
葛密衣鉢既勤考繇乃克敷治在昔弱冠光我門楣
時有三益下庵江翁同心共業道義磨礱吾祖有言
各兼才德妙年學就峨冠佩玉巖亭攝齊私淑高山
淵源甚的趨向已端師門獎許內外洵美所不能者
天與人耳早占鄉解幾渡清灞歸卧衡茅千駟如芥
佳山韻水隨意登臨沂雩氣像梧月宵襟潦倒落拓
人或怨尤公則曠然太虛雲浮困拂飢寒人或摧沮

公則怡然肺腑春虛人或評公處世希夷觀厥應酬
稱停權錘人或疑公做事脫略觀厥施措密勿綜核
平居對書所樂維何忘食忘言若不知他學邃義精
獨觀昭曠歛然謙退不自標榜發而爲文晚益純熟
措辭謹嚴用意涵濡自成大方不襲前轍巾衍有書
隨手丁乙擔夯益重望實方莞惜哉無名未秉牌拂
嘉惠後學亦豈少補桐湖舊宅有孫愚魯孤露失學
抱經靡質替事有地賴公收恤加之鞭掣勉以玉成
情深叔姪義兼師生謬詡踰分筭束長牋實感知遇
奉以周旋有時陪誨心醉醇醪獨恨貧病報蔑絲毫

嘉善先生文集卷之十一

介以眉壽吾黨是式那意今秋遽至易簣眄彼陶泗
文藻自在蓬壺故宅老仙超海公來嘯咏公去彷徨
浩然乘化不離仙鄉公雖樂此柰後死悲慟哭松聲
石夜泉忽公歸復路載戒靈駕歛却光氣藏之厚夜
百歲在前誰復如公斯文已喪邈矣淳風孝子儒雅
克紹前光裒粹遺文藏弃巾箱不遇者時無窮者名
後有子雲知我先生

祭下庵從叔父文

恭惟夫子受深厚之氣抱贍敏之才其德以謙恭為
基其學以誠正為本律已惟謹而持淵冰之戒處事

必豫而審權度之宜居家而篤於倫理奉先而一於誠敬其處族也拳拳門戶之猷而常主保合其接人也懇懇忠厚之論而不設機關其讀書也溫故知新博雅淹貫而不以講說爲務其爲文也闕中肆外樸實簡古而不以著述爲急繫其得於天而修於己者有如此純備而一切韜晦靖潛不屑自立標榜故人或莫之知也竊嘗聞之幼而好學不懈義方之訓征邁之工固已講之熟而又復就正有道聞見日博種績日富遂弱冠而名播國庠則髡摘高闡自是分內而乃反杜門求志者餘五十年凡於鄉曲儒林之會

歛然若無聞平居據几日有課程經史子集無不涉獵研究而其用工深處尤在於壁經庸學心近節約等書讀而又思終而復始自少至老蓋未嘗一日忘也雖在寢疾沉淹之中亦必晨起念誦命子姪聽之至其家塾講授之法因才善導接引罔倦不拘文義之末而自有曉解之妙儻使夫子論道經幄之筵秉拂舉比之座則可以質諸古而無愧試於世而有用而與俗學之騰口舌資辯博者豈可同日而語哉嗚呼惟我大父桐湖府君養德林泉夫子實傳其學而易簣之日又有小孫之托小子年及就傳乃挾冊而

依歸焉則便收置座側朝誘而暮提之字釋而句解之規之砭之獎之勵之使之粗辨魚魯而其付托之重期望之深亦不以區區科目之士愚蒙之受恩門下真可謂昊天罔極也況念小子罪積不天數十年來閱盡險難孤露窮獨無意四方夫子每慮其隕獲自沮面命之不足而書以諭之詩以諷之諄諄警勉必引古君子處患之道小子每書紳服膺惕然感發不至傷心而滅性者秋毫皆夫子賜也然而貧病離索誠意淺蔑莫能少報生三之恩俛仰天地此何人哉尚幸夫子年躋望八好德康寧歸然爲一門之靈

光文獻之責所係益重而小子輩替事之地亦將千
億年是期矣昨秋以來連有不安節而聰明精力猶
不至甚衰倚枕看書手不暫停且今夏小子以南遊
雜詠歸獻床下則輒逐篇追和適健有氣力侍隅者
竊覲神思恃而無恐夫豈料旬日之間奄抱山樑之
痛也耶於乎哀哉先德邈矣家學墜矣巾篋未成之
書孰能述之宗黨不齊之論孰能統之有過者何所
憚而戢也有疑者何所質而訂也如小子鮮民者何
所依仰而爲命也向者大兄捐逝已卜吾家陽剝之
候而荐降喪難終至此極環視堂內只有蒙鈍不省

事三數輩而已。小子懼無以仰體至意思與諸從昆
季恪修雍睦。哀粹遺書以爲奉剎報佛之地。夫子陟
降之靈其亦默佑門闌。啓發我後人耶。嗚呼。禮制有
限。卽遠奄迫。夫子之言語文章不可得以復聞也。然
觀於師門之錄。下庵之記。斯可驗所學之正。至於遺
戒數十條。酌定喪祭之節。而主儉約。參情文。可以傳
之久遠。而爲法其餘業家。裕後之謨。蓋亦有意成編
而惜乎其未能卒業也。百世之下有後子雲者。或可
因是而識其真也歟。抑又有深恨焉。小子守株荒郊
孤陋日甚。早晚擺棄家事。奉杖几。登谷泉。恭承節度。

講覈名理益聞前昔之所未聞者是志願也而一朝
萬事歸虛獨抱塵蠹慟懷何極哭訴床前瀉出哀臆
伏惟尊靈庶賜歆格

祭嫂圃族兄文

公之視疾也著嘗趨診床第公出示短律一章曰吾
之病實崇臆鳴此詩所以志也爾其評而和之著乃
承命足云苦緣司馬暍遂作孟郊鳴且仰解之曰兄
曾懷曠坦神氣清旺終當抵敵豎兒勿藥自瘳何遽
作不平之鳴耶公輒笑而領之及今思之乃有千古
不盡之恨矣公之平生日用盡在一鳴字今請以是

哭公象古人驢鳴之意可乎嗚呼自古文章才德之士繁各有嗚嗚之善者且百家而惟其窮達之不同故其鳴也隨所遇而異其情此昌黎子之送孟東野也所以拈出許多嗚字而大意歸重於物之不得其平者誠以窮者之嗚尤有所激觸感發而不能自己者歟竊惟公生長雪爺之庭孺染晚翁之門志業之遠而負四方之孤範圍之大而營千間之廈其素所自期者固將大放厥辭儀羽而吐鸞鳳之音升歌而憂球瑟之響不然立幟詞壘激濁揚清振五經之鼓吹掃一世之凋瘵此乃公手分中能事而顧有命也

不可得也則白首潦倒退坐書塾陶鎔後進以述一家之風猷者亦足爲晚暮光景而命與仇謀志與世乖棲棘之絳羽濱江之恠物不爲鷗鷺而竊笑者無幾則回顧初心其窮果何如也然而仰首鳴號於有力之門則且不屑也公之所素期者如彼而其窮也如此吾知其腹中礪磊之氣烏得不撐腸壹鬱而發而成聲譬如埋匣之老劍雄吼而射牛深湫之蟄龍噴薄而轟雷也哉然則公之窮有甚於貞曜而鳴之不得其平固也著也小人之腹雖不敢議到公而其得之於遊從講服之間者有如是焉公必展然一笑

於冥漠之中而後之子雲者亦將以是爲知言也否

祭從兄易侯公文

往者公之疾革也若有悲楚不平之色第以一語慰
解之則公答曰吾豈非達士耶只爲多思而然當是
時也侍湯者方且以安心爲勉故不敢問所思之何
事然今而思之公之此言真可以隕千古志士之淚
而其平生志願從可推測矣少抱瑰才落拓半生則
歸收晚工卒究大業者公之思也四世承宗門戶濶
大則恢張舊業隻手支廈者公之思也誠深追遠善
繼先志圭田表石各有成緒者公之思也統理子弟

團聚書塾譚經講學以娛晚景者公之思也大庇周親俾免飢寒者公之思也一視宗黨保合大和者公之思也遺落世事提携勝友登山臨水優哉游哉者公之思也每於花樹談燕之日從容言志之際第輩之所與聞於公者如此而終使公不得展其志業之萬一雖以公之曠度達觀而猶不能無憾於床第沉淹之中也是豈與世之齷齪輩怵迫於死生窮通者可同日而語哉嗚呼著也從公于家塾山寺之間者殆三十年于茲而其平居制行之方皆是第輩之所願學而未能者也觀公處家本諸孝友閭閻和悅恩

義兼全則第之所願學而未能也觀公接物辭婉意
直座上風範傾倒士友則第之所願學而未能也觀
公之在廟也齊明盛服駿奔跼蹐洋洋如在始終無
怠則第之所願學而未能也觀公之爲文惟務理達
不事雕飾紆餘條暢隨手適用則第之所願學而未
能也至若與之論理而恢游肯綮符契前人與之言
禮而不拘煩文動合常變則是皆願學而未能者也
以公之許大見識許大抱負使之進爲於世則上而
文衡館閣論道經邦下而擔夯字牧振弊蘇瘼出爲
鄉邦耆德入爲家戶棟樑何往不可而如第之驚拙

無用者亦當恭承節度前日之所願學而未能者庶
或終身慕效不卒爲君子之棄矣吾輩之仰望於公
者不翅如泰山北斗而終使後死者永失依歸師法
之地則第輩今日之哭不第爲公惜而所以自悼者
深且切矣嗚呼尚忍言哉憶昔第輩之見星西奔也
若非公指揮扶將之力則顧何能獲保殘喘於嶺路
溝壑之中哉繼而數十年來飽經喪慘孤露窮獨之
狀無非極辛苦不快活底光景而公之前後憐恤雖
謂之昊天罔極實非過言也然公之一身責任甚重
機應甚劇總功一室之嫁娶衣食無非公之關心費

慮處是以雖有凍餒剝床之憂而亦不敢數數煩公
以救賙之方嘗於侍誨之席畢陳愚見以爲人之貧
富窮達皆有定分第雖蔑識知此久矣兄亦物各付
物慎勿爲心疾云爾則公屢歎第言之是而猶未嘗
暫忘于懷且以弟有隔水分離之歎至必強挽留連
俾與雲翼輩論文叙話喜動色辭嗚呼已矣今於何
處更見此事也樑木摧矣舟楫折矣箸也只願與雲
第姪輩益加勉勵補過飭躬恪守家訓則庶可以不
負公期望之意而箸亦病且拙矣其何能遂其志耶
嗚呼公一生種績懷寶林下老白首不成名而天性

夷曠未嘗以得失介懷至以易俟名其齋而及夫沉
疾之日亦必以達士自居則今於大歸想應大觀乘
化凡人世間多少不盡之恨都付太上之忘矣弟之
許多悲苦之言雖自肝膈中流出而獨不能打透於
死生盈虛之理者烏得免達士所笑耶

祭姊兄柳萬凝

致一文

逆旅乾坤逝者不歸送盡情人白首疇依思兄憶姊
感淚潛然歷歷平素四十年前吾儕最少兩家全盛
兄維重侍我亦具慶宴爾新昏其樂如何娟娟花燭
配美柔嘉矧我兩人一庚降生事有不偶結爲弟兄

靈犀自照氣味相符溫良姿性謹拙規模言無鄙倖
行不矯僞其人如玉未見疵類其中有守寸鐵之剛
惠而好我角弓無忘相看甚喜暫離則思青春作伴
歲寒爲期夫何此樂曾未十載滄桑屢變淚顏相對
兩皆孤露我毒尤苦枯魚含索何恃何怙我姊嬰疾
鸞鏡塵埋兄失賢耦我切孔懷吐吐窮獨痛念先祀
生同一歲何命之似早衰多病頭禿齒豁所成何事
宿計蹉跎然猶交勗失東收榆安身立命誓言無渝
况復年來式穀有兒晚境慰滿差勝於著今春東出
一宿聯枕娓娓話舊達曙忘寢繼以明院尸祝有事

江頭解携未盡別意經夏徂秋不復對討那知今歲
遽歸冥道病違趨診歿未就訣拊念情好辜負慚怛
顧我摧頽餘日幾許人謂同庚死歸一處果若斯言
逢着有時更結昆弟地下相隨悠悠萬恨曷又詳記
兄昔有托亡姊幽誌縱愧無文豈忍忘旃如得下筆
并銘兄阡強疾扶服哭送重泉不昧者存應識景圓

祭族兄淨友軒公文

嗚呼士君子不得於朝則山林而已縱饒澗谷之中
衡門之下窮約以終老猶且樂而忘憂矧惟公所處
之地所養之福卽古所謂不換三公者也上承先夫

子厚德遺蔭基業宏衍堂構輪奐據江山泉石之勝
享度閣甘旨之奉月榭風臺起居偃仰之惟意荷沼
樂欄嘯詠玩賞之自足生於斯老於斯者七十有四
年矣視世之彰纓結綬於聲勢之塗而寵辱相隨無
一日安於心者其間忙勞佚豈不遠矣乎且夫公雖
不用於世而其施之家術者是亦爲政也孝弟源於
百行信義孚於九族而又復規模續密策應安詳方
物發慮動合機宜晚更以持門戶訓子弟爲心一視
親疎而拳拳有大庇之志務從和平而諄諄爲保合
之論見後生之專尚時文則戒其玩物喪志不知趨

向則勸以先讀小學噫此東里翁與著秀輩之所親
受公節制而懼不能體行者也自茲以往可復聞賢
父老法語之言乎嗚呼念昔吾家之在澗西也先人
之誼實爲隣里中最而著也亦嘗從公于池閣山亭
之間得聞我兩家故事及夫棲遑郊外去益旁落匍
匐而歸谷泉則迂生計活不免爲闔族之憂而其料
理指畫之方公實先之也誠心愛恤念念不忘天寒
則曰得無凍乎歲荒則曰得無餒乎每當花朝月夕
引而進之於諸長老之席待以親兄弟等年輩者以
至昨冬沉淹之中不曾語及身後而娓娓懇懇之言

深軫小弟家事噫著何以報答恩意也惟願與東里兄及胤君諸人同心撐拄恪守先誼圖所以無負公也已公其聽我言而默會之否乎

祭族孫現文

嗚呼現乎爾將何之爾爺有托吾不忍辭拭淚操毫既爲幽誌掇爾之行明爾之志此其略也有未盡者申之以訣送爾泉下爾於吾言欣然聽受今吾有言亦能知否爾之於我情猶父子今忽失汝慟惜何已我素慵拙深居澗谷猥作村師收召蒙學維鍾維璫維璫維球暨汝爲隊封末其儔無冬無夏對同昕夕

我乃自慰頗不寂寞愧乏陶甄亦好獎勸尋章數句
竭我知見嘗病俗學喪志雕繪勗哉回頭重內輕外
矧爾姿性同學攸服持心不隘出言無僻弱冠其年
已占趨向苟假以壽其進何量是歲三夏於我久處
研思忍飢對卷忘暑爲勸任便未肯捨予前期苦短
此其兆歟會且歸矣旅酒以樂人間此樂不可復得
我言今冬欲上蕭寺爾卽喜之謂將趨侍此願未遂
爾反違棄何志之厚何誠之摯佛非有恩爾卽奉剎
勤勤懇懇始終如一由是推之可驗篤倫所在致死
此真其人曾於對討歎我窮獨讀書種子無處屬托

屬之汝曹傳我文籍今焉少一增我悽惻嗚呼現子
何命之嗇二十光陰石火風燈爺孃如恨弱嬾呼冤
我心非石曷忍詳言屋後青山俯瞰川野先隴在上
北亭其下生斯長斯死歸於斯安歸永貞爾尚何悲
西望谷泉隔一岑兮幽明雖別倘顧寒棲松間小逕
彷彿登音嗚呼現乎爾知吾心

祭族孫理文

歲癸巳春三月丙子日固城李秀才士懷君將大歸
幽竈得年纔二十五矣嗚呼可勝惜哉鄰居族從祖
著秀旣作輓詩四十五韻揭之竿又掇餘意數行酌

以酒而與之訣曰余恨人也凡於死生禍福之失其
常者終莫能打透得每與士懷輩讀古書求此理而
尋常不快於中者久今於士懷之死尤不免惑之滋
而恨之深也嗟嗟士懷乎君之至於斯者理耶命耶
君之姿性溫良氣質完厚溫良也完厚也而享有壽
祿者是當然之理也君之處事牢確立志遠大牢確
也遠大也而成就志業者是必然之理也天下無理
外之事而獨於士懷乎反失其常者誠曷故焉且人
之死也呻吟困苦至於病不可爲而後已者是亦常
理也而今士懷則終宵讀書之人忽忽爲明晨僵卧

之鬼者抑又緣何而致也吾未知氣數之變迤邐相
撞而理之乘載者或不得主宰而然歟抑吾之知見
未達於盈虛消息之理而反有此怨天尤人之意者
歟古之識理君子於此等處只得付之無可奈何君
經學士也今於辭庭之日亦將知其無可奈何而怡
然安化浩然長逝耶今日未盡之恨未食之報且將
族天之定而責之於君之一子旣以是爲君慰又以
是慰君之大人理之終未泯者其可驗於斯歟嗚呼
吾與士懷爲同門生又分山共閨而居者廿年于茲
矣貧病窮獨益覺世味酸楚而惟君父子昆季是依

是賴視君之大人如同氣兄弟視君輩如親子姪也
每花朝月夕我往而君來明窓淨几迭問而互答愛
好之至而思欲王汝之成期望之深而好看門閤之
大噫君我相長之益相從之樂豈但爲鄰誼之厚而
已耶且君方從事明經之業占地步已廣幸而早了
此一關抱經從我於林園靜僻之中與之歌詠先王
商確名理者是吾衰晚之願而如今萬事已矣塊坐
窮廬誰與晤語獨對殘丁誰與講討冤子惜哉君大
人屬余誌君墓余不忍辭爲綴數語是烏足以不朽
君耶嗚呼如玉其人今不可復見於斯世矣君父癯

人不問於其父母昆弟之言今於君亦

爾能活我死而吾不能救汝於不當

而口吮之母病而禱于天非至孝而何君大人泣而
死之地此千古之恨也聞者孰不悲之先聖嘗稱閔
子騫之孝曰人不問於其父母昆弟之言今於君亦
云又吾叔下庵先生每稱君資地之美爲之字而祝
之其獎詡可知已命矣夫不能使君壽內而爲門戶
矜式外而展布其經濟嗚呼其命矣夫抑思之千言
萬語都是怨恨不平之言恐被達士所譏略略提綴
而止嗟嗟士懷乎君其知此意而默會之否嗚呼

祭再從姪

庭岳

文

甲午

是賴視君之大人如同氣兄弟視君輩如親子姪也
每花朝月夕我往而君來明窓淨几迭問而互答愛
好之至而思欲王汝之成期望之深而好看門閤之
大噫君我相長之益相從之樂豈但爲鄰誼之厚而
已耶且君方從事明經之業占地步已廣幸而早了
此一關抱經從我於林園靜僻之中與之歌詠先王
商確名理者是吾衰晚之願而如今萬事已矣塊坐
窮廬誰與晤語獨對殘丁誰與講討冤子惜哉君大
人屬余誌君墓余不忍辭爲綴數語是烏足以不朽
君耶嗚呼如玉其人今不可復見於斯世矣君父癯

人不問來問字本不誤

嗚呼才難之歎不其然乎天之降是人也與之才者固難矣雖降才焉而得以永其年成其才者爲尤難矣以汝才學之美而生出於我家衰敗之秋者夫豈易焉哉汝幼而有近道之姿稍長博學強記爲文蒼然老熟有古作者口氣以至說道理古今事了了如燭照數計天若假汝年數充拓其志業則學可以窺洛建門戶文可以追韓柳軌範吾輩亦當爲之賦橘頌讓與後生之師表矣其所以期倚門戶之重者不第爲區區科目之士而我家無祿使汝有其才而無其命浮世間廿四光陰遽然若石火風燭冤乎惜哉

譬若玉樹芝蘭縱或不能爲需時華國之具而施之
一家亦可謂希世難得之寶也如之何摧之折之俾
不得培其根而達其枝也此吾所以歎成才之難也
嗚呼夫以我下庵先生之厚德遺蔭而卒莫能保佑
身後三祥未闕而汝與庭疑相繼夭闕報施之舛又
何若是也然莫非命也汝之臨死也起而正席屏遠
婦女無愧於古君子得正之事知汝讀書之力能打
透了壽夭存亡之理也吾何必爲汝深怨以取達士
之譏耶最所慟恨者今夏余抱負墳籍還棲于谷泉
山齋每風清月白之夕散步階庭朗詠招隱操數闕

且誦庸學易繫書一二章而忽彷徨好立掩抑而旋
止已矣已矣自今以往雖欲團會書策使汝與景覩
輩掛牌秉拂談數名理而余則支頤在傷以作初平
之聽其可得乎嗚呼汝大人托余以記汝之行吾固
已諾之矣早晚當有踐言之日今於送訣之際又何
用多言耶嗚呼

祭從叔母孺人永陽李氏文

嗚呼詩曰釐爾女士又曰彼君子女謂之尹姞夫士
而崇禮義勵行檢能盡人道之大者方是君子哉則
以婦女之身而行士君子之行者不亦難乎著秀侍

我夫子之側三十餘年於夫子閨門中一言一行罔不耳濡而目染焉如孺人之淑德徽範真可謂女中之士君子矣孝順而禮讓慈仁而莊整規模縝密而達於事理辭氣溫柔而明於是非目不觀邪媚之色口不道鄙俚之言體不近奢麗之物守靜安詳終始如一曰雖士之讀古書講道理者何以踰此惟我夫子性本謹嚴治家有法而孺人配德無違服事中饋助成君子之志俾得專意講讀一不以事物爲累以至偕老七十年而相敬如賓莫或有戲慢媒狎之容孺人爲婦之道盡矣迺若母有多子珠璣繞膝而未

嘗有抱哺煦煦之愛一切導之以義方有若嚴父之檢束焉以故諸子斤斤有文行稱於士友孺人爲母之道盡矣逮夫觀化之夕其所遺命又不出乎教子姪扶門戶數款語其所守之正果何如也孺人能盡夫爲婦爲母之道而大者立矣其餘疏節細行可以類而推又何必臚列而畢陳之耶嗚呼竊惟夫子與孺人之深仁厚德固足以毓慶而垂後矣人倫篤而家道肥春風和氣之中未曾有逆境悽楚之事鄉人之論完福必先數之宗黨後生亦將永有慕效之地而夫何造物者每忌圓滿物事一自壬辰樛樵之後

兩孫之奇雋而文者次第夭折環顧同堂死喪相繼
內外先行惟孺人獨存而今又不愁遺焉家戶替矣
閨範空矣嗚呼曷歸余懷之悲悲夫悲夫小子自髫
髻時依歸門下自朝至暮不離書齋孺人必闔門聽
讀喜動色辭撫摩焉嘉獎焉收恤而不置焉一與諸
子無間焉以是小子亦視之如母焉然畢竟學未成
志未伸而孤露窮獨自不暇給未能有涓埃之報負
之矣負之矣俛仰悲忤此何人哉惟願與諸從昆季
團會山齋課教子姪一遵夫子舊規則亦庶乎不終
負孺人托勉之意小子何敢忘焉嗚呼卽遠有期靈

車載道引紼踰鄉實非始慮之所及而宅兆安吉果有青陽之說則夫子寂歷之遷亦當有日是可以慰長逝之靈也歟

哀辭

權漢于

東奎

哀辭

惟權氏古文獻家也遠而有默巖先生爲陶山道契近而厚庵弦齋諸賢苑然師表後生而雙湖丈人又能世其家學以清修博雅聞吾友漢于甫丈人之白眉兒也亦粵我表叔釣月翁之宅相故余得以知之熟焉君好風采美鬚髯言論質直俊爽酷似外翁居

家孝友融洽性倜儻恢達樂善而好義愛物而容衆
凡世間齷齪皎厲褊滯各嗇事一切鄙之而不屑爲
第於好惡一邊太直截明快未肯隨俗桔槔故世或
有不樂成人之美者然金之剛也衆不能鑠之玉之
潔也物不能污之於漢子乎何傷也余與漢子交自
弱冠而鬢斑矣始見也昂然有冲霄之志及長而熱
然有長者之度晚乃經歷多而修省久則便退然而
抑藹然而馴合下英銳之氣減了七八分數若假以
年壽輒到老大純熟則宜其進進不已儼然爲吾黨
先進而權氏之門復見前輩風猷矣夫以君天資之

好地步之濶卒半生蹇滯未究許大之志奄抱謝庭
之慟豈非名家之不幸而吾輩之深所惜者乎噫余
亦衰且拙四方之志絕矣青松白鶴夢想悠然每與
漢子昆仲留約於周房玉溪之間書商面確固宿矣
而遽失東道好主人自此以往何忍過執鞭之村而
聽山陽之笛乎雖然壽夭忤戚古之達理者置不論
矣君有賢第可以托孝養有才子可成厥考志天之
嗇於君者其將責報於君之後乎旣以是慰君長逝
且以慰雙湖公埋玉之恨也

鄭元可

哀辭

我表兄金上庠客寓於永之仙源山中鄭氏村也嘗
爲余言仁里淳慤之風書塾講討之樂而尤娓娓道
元可文行爲後生中眉目余固樂聞而心識之往歲
因事南遊歷拜蓮亭翁于仙源村纔入門巷便覺和
風襲人羣玉侍側觸目琳琅中有一年少秀朗而穎
敏卽蓮翁之孫元可也是夜明月滿塘荷珠灑落相
與憑軒玩賞傾盖如舊相識間又評隲文字極歡而
歸越三年春再登蓮亭與元可之大人公聯枕叙阻
時值大風寒客愁甚苦元可應接惟謹必躬檢烟突
食進端拱侍立良久命撤然後退以至僕御裝送之

節動合禮意余觀人家子弟往往生長豐羨漫不知
悌長肅客之禮而如元可者其遜志敏行有如是則
益信表兄之言非夸也若假以年充拓其才器則其
進何可量也嗚呼栽培傾覆之天無徵久矣是歲春
元可之季父聖重及元可昆季相繼殞折未幾蓮亭
公又以天年棄代春風和氣之中胡然而有悽涼候
也旣爲聖重元可哭又爲其先公哭此正韓山斗之
於北平家哭其祖子孫三世而有觀居此世之感者
也迺者金表兄有書言聖重之忠厚質實元可之豈
第穎悟君所深知者幸爲一言以哀之余奉書而喟

曰簪之於元可乎因吾兄而得其始卒焉其言皆可
傳也敢不唯命遂略叙其所感於中者繫之以詞曰
有亭臨池兮玉立芙蓉皎皎伊人兮亦有斯容有質
有文兮維孝維恭既豐其畀兮胡嗇其終有叔有弟
兮同歸土中孫而祔祖兮環侍彤彤東吳曷悲兮一
聽天翁玄夫達論兮證諸韓公

金大叟

來壽
哀辭

國子生金君大叟文雅有志之士也吃吃不能言獨
於書便沉吟朗讀種績富而詞藻煒然遂一出脚登
上庠意不以小成自局乃者負笈辭親入太學歲餘

日齋居靜處讀書攻文欽欽有課程擇交取端未嘗
與貴遊子弟相往還齋中先進及洛下知名者咸推
翹敬服以爲有法家模範焉程夫子有言新進游楊
輩入太學不惟議論有異其容止亦必可觀士君子
最可觀者動容行止之節則如大叟真可謂容止可
觀而無愧游楊者矣苟假以年壽地步漸濶則其進
就何可量已不幸病於京卒以櫬歸冤乎惜哉造物
者生此好資地而旋復閔之何意也泮之薦紳縫掖
俱輓歌以送之極道其志行之雅文詞之美始信我
前聞不誣也世無昌黎子大筆誰能爲何蕃立傳以

示來後也君之大人公屬以數行誅語其志悲矣余
固諾之何忍負諸大叟工於詞詞以哀之其詞曰
子衣兮芰荷子佩兮琳琅修姱服兮斐然御珍駕兮
高驤泮之水分思樂苑有聲兮膠庠辭北堂兮遠遊
志則大兮蓬桑雲鵬搏兮九達笑彼鷁兮榆枋遊子
歸兮幾時倚闥立兮爺孃西風摧兮玉樹望故山兮
迷茫洛之士兮載餞唱薤露兮悽傷已矣乎時不利
兮志不伸地欲老矣天欲荒安得訴此冤兮真宰使
君復化兮華國圭璋

墓誌銘

族孫秀士瑾墓誌銘

李君名瑾表德士懷遠胄容軒曾考虛舟祖諱宜秀
父曰庭實固城本貫聞韶外出君生質粹孝友天性
吮父之癰禱母之病從師會友策勵勇邁蚤治經明
期以遠大癸巳春孟十九夭逝君娶權氏生子二歲
松湖之北吉兆神佑載誌幽竈族祖著秀

墓表

祖考桐湖府君墓表

嗚呼此桐湖處士固城李公之墓也公諱弘著字德
顯左相容軒先生原之後生員平地翁憲復之子判

書全陽君李公益秘其外祖也公天性高古文詞簡
潔自某年廢公車堂名隨樂而詩序以見志誦其言
考其行古之所謂逸民也養德林下韜晦以終老千
歲之下復孰能識其真也夫人李氏全城名族處士
齊賢之女 贈叅判金公佺之外孫也生而配德無
違歿而同穴而藏是庸垂餘蔭而裕後昆也公嘗自
銘曰無善無惡誰譽誰毀不求不營何憂何喜一杯
青山同歸螻蟻世之編高士之傳銘有道之碑者尚
亦徵信於此廿四字也

壙誌

族孫秀才現壙誌

嗚呼吾尚忍銘現之窆始汝年就傳以淨友公命請業於余不避祈寒暑雨一心從事者十餘載矣初若鈍滯不能通既久而誠益篤數年之間見解漸開明文藻又大發同學之稍長者往往讓其頭焉其爲人忠厚慤實沉重簡默而又資之以讀書之力纔弱冠而儼然如老成人與我處未嘗見疾言遽色吾嘗謂現也可以學道其所期待者實在時文科目之外不幸以一夜之疾遽至不淑使不得成其志而卒其學冤乎惜哉其大人見余泣曰吾兒之孝順恭謹天性

也侍我先君側唯諾溫清應門無不如其意故先君
於諸孫中最愛重之其母常善病輒作兒戲而勸粥
水父兄如有過失必婉辭幾諫開陳義理得請而後
已誦讀之餘攝家務細大不遺以替其兄之勞至病
之前夕猶然此吾兒居家事大略也且其尊師向學
之誠眷眷不懈雖食息之頃常誦說教迪之恩凡厥
志行之美惟叔知之幸爲誌納諸壙以慰其冤也余
掩抑無以對良久思之現也視吾如父故吾亦子視
之耳寒齋凍卧給薪以溫之貧厨屢空贏糧以繼之
竭忠盡力終始如一日此亦孝之推也今不可復得

於斯世吾何忍爲之銘又何忍終無一言現字用晦
姓李其先固城人入國朝而左議政容軒先生實
爲大祖歷八世至贈承旨諱後植始卜塔洞池園
高祖諱弘直進士號嶺隱曾祖諱宗周亦進士號北
亭祖諱定秀卽淨友公父曰庭百母曰驪江李氏晦
齋先生後叅判鼎揆孫通德郎台祥女也生三子現
其仲也生于丁亥六月日歿于戊申八月七日得年
僅二十二娶聞韶金驥洛女寢郎鎮國之孫鶴峰先
生之後也有婦德克配其夫而弱年居寡卒無一嗣
息命物者意果何如也汝之父若兄必續爾後俾祭

之惟是族天之定也已踰月窆于家後丑坐之麓嶺
隱公墓下也銘曰

肫肫而粥粥兮謂將爲忠厚長者夫旣本之於孝友
兮亦復擾之以儒雅吁嗟乎年數之苦短兮有志有
行兮其誰知之哀其死而善護其衣履兮尚有徵於
墓亭翁之銘詞也

壙記

先妣孺人安東權氏壙記

先妣孺人權氏系出永嘉忠定公冲齋先生諱櫟之
后通德郎諱思九之孫處士諱學度之女景山齋真

城李公諱綸之外孫以 元陵戊子七月十一日生
纔六歲而孤無他兄弟通德公及母夫人憐之未嘗
加何責而性本淑慧莫或違長者命七八歲已能通
女工解文字侍通德公側見受業者鈍滯不通便從
傍指教時或綴文成句輒驚動人通德公歎曰使汝
爲丈夫子則足以振我家聲洩亡父冤年十八歸于
我先考生員府君姓李氏諱周齡八門初家貧親病
先妣躬執爨甘旨鹹淡固不適宜有時匱乏則鬻衣
鬚貴縫紵以繼之而無幾微見於色舅姑安之宗族
稱之及其連遭大故竭誠內助饋奠一以禮又能拮

据有無料理十餘載家計稍羨祭必前期措辦務要
精潔客至力具芳甘以成夫子之歡見隣里之窮殘
孤惻必隨力賙恤如有村婦孺託針線倩書簡者一
一應酬不曾有厭苦意顧小子輩曰我貧家婦也不
能以財帛施人豈可憚暫時代勞而不副其請乎凡
自手中出敏妙精緊固有縫罅筆翰如流曲盡情意
人皆愛玩傳誦焉嗚呼天不見佑家禍慘酷京館之
變曷忍言哉先妣聞卽顛隕氣絕僅甦而猶能節哀
忍痛改歛諸具手自裁縫及祥爲文以祭之詳叙事
行繼以他日下從之意其守禮處變之節雖士君子

無以踰焉其教子也慈惠備至而濟以嚴整未嘗作
暱愛煦煦之態每戒之曰男勤學業女務紡織各守
其職可免忝辱其親又謂耆秀曰汝之文學或冀早
晚成立不幸遭罹閔凶自分廢舉吾不欲拂汝志而
強之窮居讀書益懋修行是亦顯親汝其勉之又嘗
勸讀周易曰吾聞吉凶死生進退存亡之理皆載此
書人能善學則可知處憂患之道又或披玩古事至
忠孝義烈處必感慨嗚咽呼不肖示之曰此後人所
宜法也不肖嘗授蒙學漢書先妣適在傍聽之歎曰
鄴生遊說漢王以口舌得官而不慎樞機卒不免禍

此非鑑戒處乎其達事理垂義方多類此丙戌冬視
疾沉淹十朔奄至屬纊而神精尚了然酬酢如平常
執不肖手命以祔葬正席安卧從容就盡實丁亥七
月二十日也是年十一月日葬于馬坪大墓洞丑坐
先人墓南麓也先妣之淑德懿行能盡爲婦爲母之
道證諸古之女史實無愧焉而不孝迷劣無以闡揚
先美摧慕隕塞昊天罔極姑略記梗槩納之幽竈于
行載先人壙誌不復錄

行狀

通德郎權公行狀

通德郎權公諱思九字希聖其先永嘉人永嘉氏胄
于太師諱幸而族大而蕃簪組舄赫最號東方大姓
太師後十九世至冲齋先生諱檣位躋右贊成贈
領相謚忠定厚德大業偉然爲百世師表忠定子郡
守諱東輔號青巖郡守子監正諱來號石泉監正有
子諱碩忠是生諱濡於公爲高祖曾祖諱斗緯號松
沙嚴正有長者風伯氏蒼雪公常推讓其文學祖諱
濩有才行不得年訥隱李公誅而悲之考諱正中以
上五世皆隱德不耀然克紹前休妣韓山李氏通德
郎泰和之女掌樂主簿密庵李先生載之外孫其內

外名門所由來者正矣叔父知縣公諱正雄篤學有
行義教授於家公自幼入承義方之訓出而濡染於
舅氏大山先生之門斤斤有謹飭行少時服飾隨身
之物頗尚華美先生禁戒之因不復焉先生又欲試
公志命家人作糜粥以饋之是公前日所未嘗者而
猶啜之甚甘先生見而稱許之始冠往省外氏迤向
豐山望見數三長老野次班荆而坐輒下馬步過時
屏谷權公在座亟呼僕夫問之因請見嘉歎曰法家
子弟孝謹之行推可知也嘗應舉入京一夜擁衾獨
卧泮主妻有姿色者披衾而入公徐起曰我客也無

乃錯認外主人而至耶其女驚起媿服而退自是接
待愈款洛下士友相傳爲美事先府君以莊嚴律家
見子弟過差不少寬假公承順色養莫或有纖毫拂
戾意先公晚年養病于道心山中距所居春陽爲一
舍地公定省醫藥不避風雪或至犯夜衝寒髮鬢皆
冰而至門外拂拭不令病親知之其居家脫略細務
不以一物經心中歲累遭羸博之憾尤無念世事屏
棄公車寄意山水撫孤嫠恩愛篤摯無異慈母之保
赤子待庶母與庶弟務全倫理一以和平爲主門戶
濶大徇無代勞之人累世先祀必親自監視前期辦

備恪盡誠敬客至必止宿留連以供歡尤好施與人
見族姪與鄉里之貧不資生者輒傾廩而周之至有
舉家來托者而竭忠盡力措置基業未嘗有厭苦色
焉家切近縣倉秋成之後必別以精實先期納租隣
人窮不能糴亦多自當助納家用反或不足不顧也
吏胥稱頌不已曰輸租皆如某宅則官民無事矣嗚
呼此公平生行治大略也孝友政於家信義孚於人
文獻風範不失法家之本色睦婣任恤無愧古人之
篤行則天之報施於公者宜其嚮用完福錫類祚胤
而賢子不幸早夭家事又從而旁落慶善食報之理

顧安在哉尚幸晚定嗣孫身後有托種德遺蔭其將
驗之斯也夫公生于英宗己酉三月三日卒于

正宗己未正月二十五日享年七十一奉窆于春陽
縣東羅浮堂民坐之麓配義城金氏校理世欽子永
河之女後配真城李氏松安君子脩后師溫之女有
一男一女男曰學度有文行先公歿士友嗟惜女適
聞韶金鼎燦皆金氏出也學度系子曰載文女適固
城李周齡生員金鼎燦生一男一女男曰民壽女適
尹台東載文生一男曰亨夏生員生三男二女男曰
著秀芝秀葵秀女適柳致一餘幼著秀生於外氏家

公老而無膝下之慶愛不肖甚嘗抱持懷中且教學字期以遠大而見今滅裂無成就終無以報答至恩間者母親泣而命著秀曰爾不可忘大父恩可略叙其實德懿行及世系子姓以示來後著秀承命而爲之狀如右以歸之舅氏第恨生晚識淺萬不能記其一後之君子尚或以是考據而有所財擇者歟

商山處士李公行狀

商山處士李公之孫中秀氏收拾公遺文及輓誄諸篇屬著秀等以編摩之役且曰吾祖捐背已三十年于此矣當時故舊門生淪落殆盡無有記其實者若

過今日愈遠而愈無傳則吾祖之德學言行誰復知之君之堂叔父下庵公嘗料理此事而不幸未就君其叙次一通以成下庵遺意著秀作而曰晚生謏見何敢當是寄累辭而請益堅則亦不敢終辭謹以平昔所聞於父兄者叅諸遺文輓誅妄爲綴緝焉豈敢曰狀德云乎哉公諱天慶字命吉初諱弘天晚年隱居于商巔山中人稱商山翁故因自號其先固城人有若文僖公諱尊庇文憲公諱瑀文貞公諱岳文敬公諱岡襄憲公諱原聯五世大顯于麗季國初相業文章焜耀史乘吏叅諱增吏議諱洺別提諱肱叅奉

諱容又聯四世棄官歸田以名節傳家臨清伴鷗是其考槃遺躅也歷四世至郡守諱後榮連登大小科而志高官不達是爲公曾大父大父諱時成通德郎父諱元麟亦通德郎母恭人完山柳氏掌令涵碧堂諱敬時之女也以元陵癸卯二月十三日公生于外氏家卽涵碧公孤辰也涵碧公見而奇之曰此子骨相匪凡生朝且不偶他日其將如外翁乎公幼而聰睿超邁豪俊有器量稍長折節讀書不待教督而博通經史纔弱冠便留意於古人爲己之學聞百弗庵崔先生講道南鄉卽跋涉數百里造其門而請業

焉先生與之語大器重之悉以所學授之蓋其學先
孝悌躬行之實而上達於天人性命之原本末有序
且勉之曰爲士者當知內外輕重之辨先以講學爲
主暇以應俗文字則切於己分工夫而不患有妨奪
之害公服膺師訓益復勵志必以朴實純慤爲立脚
基地又與先生之子東溪周鎮就正于大山李先生
之門與李后山柳東巖諸賢往復剗剗以道義相許
焉問學之餘兼治功令隨衆應舉癸未魁東堂別試
名徹九重及其赴南省也自上引見從容賜對
大加褒教曰真經學士也廊廟器也因命主試勅

以勿失人洛下咸以大闡期之比入場知舊多從而
來問者公輒左右應副晚後呈已券以故先呈者并
見擢而公則竟以晚漏其恬於得喪類此自是益無
意進取斷置公車卽舉家入山杜門堅坐經傳百家
無不研窮尤致力於周易四子節要等書沉潛熟複
俛焉孳孳不知老之將至年旣耄父聰明精力不少
衰時或杖策登高呼觴賦詩翛然有遺世出塵之想
一時名碩多爲之歌詠其事以歎美之丙寅夏偶寢
疾彌留時年八十四一日忽泫然曰先考遺事不肖
嘗有意編錄而因循未果今病矣將終爲千古恨命

從子周羽把筆倚枕口呼喉音斷續而鋪舒不錯篇
旣終因命正席怡然而逝實六月二十六日也踰月
奉窆于府南加峴午坐之麓以治命從先兆也配月
城崔氏士人胄錫女義城金氏士人礪行女楊州宋
氏士人德隆女一男周聞二女李顯周朴洪圭孫男
中秀女趙基業金名壽李子東郁朴子濟元曾孫庭
學女金重岱權命周餘不錄公稟質剛毅儀表魁偉
而濟之以宏厚寬平平生未嘗自立標榜而學問充
養之力自然符彩於外風流氣義陰映一座蓋自八
九歲時趨侍涵碧公座側濡染日久而與內兄江浦

公弘源才行相甲乙其從師也同門之士燁然多文學而質疑問難之席必推公爲前列崔先生每曰命吉吾之畏友他日挂牌秉拂吾當讓與一頭大山先生又嘗以朱書講錄刊補屬公及李后山使之幹當勘校則其見重於當日宗師之門爲如何哉崔先生嘗哭其子公甚悲之爲廢鄉解及葬將疾馳赴哭中路馬病不及窀穸會者命役夫將下土先生止之曰命吉與吾兒厚豈無千古一訣姑待之俄而果至觀者驚歎咸以爲反道之篤非人人所及大山先生與崔先生書亦曰遠愧范巨卿近慙李命吉嘗於加峴

山下措置多少財貲歲久頗贏足乃呼子姪諭之曰
吾輩支子也雖無此亦足資活念兄與長姪皆早世
家事芻落以此填補可乎遂封其券并屬之從孫洛
秀先祖叅判公隧道尚闕麗牲之石公首先倡議出
財經始涵碧公墓下無表碣公與門下諸賢合力治
石求信筆鐫而豎之崔先生易簀後以畏壘尸祝事
貽書于南州士友商確基地講定儀式其尊師為先
之誠無所不用其極焉嗚呼公平日行治之在人耳
目者何止若是疎略而惜乎無傳之者然卽此數者
而觀則後之尚論者亦可以得公之萬一矣公不喜

著書立言嘗曰吾之所聞於師友者端的有據惟是
篤信心存而體行之何用贅爲纂述哉以是巾篋之
中所存者只寂寥數篇及師門往復書而已間者與
下庵公長胤亨秀氏對同勘定旣又爲之狀以塞孝
孫之請當世立言之君子有所徵信於斯而爲之顯
微闡幽則茲豈非後生之幸耶謹狀

月梧處士金公行狀

公諱會運字亨萬姓金氏其先新羅王子也始受封
義城以昌厥後至中世有諱璉贈冢宰號青溪種
德毓慶篤生五賢子長曰藥峰諱克一次曰龜峰諱

守一曰雲巖諱明一於公俱爲八世祖始樂峰以龜
峰之子進士諱澈爲嗣是生瓢隱諱是楹世所稱崇
禎處士也其第五子諱邦賁出爲雲巖之孫諱是桀
之后是生通德郎諱恒重實爲公高祖也曾祖諱若
欽有文行早世祖諱翼漢清修篤學終老林下後人
號秋村翁考諱始晉治家訓子鄉里稱之妣咸安趙
氏漁溪后士人景潑女也以 元陵甲申二月十四
日生公于秋月里第幼峻茂不凡深沉有器量與羣
兒遊不欲爭較及上學深於思索觸類曉解性又勤
學終夕不離案雖有急必了其所業而起適有村人

儼觀者如堵公方對卷受課略不舉目視其志尚已
如此上元夜秋村公命作看月詩時有村翁權隼者
向月坐公應聲曰人隼坐土隼春月照秋月秋村公
喜曰文脉賴爾不絕十二三歲已通經史諸書始習
詞賦與從兄處士公昌運聯槩共業極意鍛鍊駸駸
有步趣父兄長者皆以遠大期之十七而冠委禽於
桐湖李公之門桐湖公甚愛重之每邀置座側申申
勉戒曰功令文字儒者末藝先讀性理書立其基本
博觀文章家透得體製然後方可謂通儒遂日授朱
子書及司馬史俾朝夕講習公謹承節度潛心誦讀

與下庵李公宗休江舉柳公尋春同業相資爲莫逆
交癸卯始舉鄉試高中解額時年二十族祖漏軒公
台漢同赴洛歸語先公曰年少發軔之初舉止安詳
應接周徧未有若君之子勿以省試偶失爲慨也將
兩舉公歸然爲法門先進教授於家公首先就學孺
染最久己酉赴廬江講會東巖柳先生主牌拂公聽
講累日欣然會心歸卽稟于兩舉以弟子禮謁巖亭
先生誠心引進始授以大學章句次及心經附註其
學循循有序凡有所得必劄錄而識之退又以疑目
質問先生每許其慤實用工自是逐旋往來於兩先

輩之門交相就正尊信而體行焉己未丁外艱庚午
居母憂戚易簣盡執禮不懈先公疾革執手命曰吾
以未覓汝立揚爲恨勿廢舉業以成吾志公之晚而
僴勉場屋遵遺戒也然胸懷恬曠未嘗爲汲汲進就
計每曰得之不得命也舉子之問題義者四面沓至
而一一應酬指示蹊徑至妨自己呈券略不介意屢
占鄉解輒不利於禮部遂絕意外慕閑居玩樂手抄
性理羣書朝夕研究先賢文藁之在巾衍者勘校丁
乙爲成書以傳後又以成就後進爲己任每於家塾
院社期會講學假以考校文藝以倡率而興起之甲

午夏有推數者曰出避以過秋然後免大厄公曰人有定命何可爲卜說所動傷人多勸之乃曰仙亭吾平生所樂當煬炎暫就寬涼亦不惡遂携書上山留半月疾作沉淹中猶不廢看書談笑如平常屬續之日門親知舊來診者甚衆傷人問其擾自外應接公知之責曰彼以慇懃之意來我何不見并許入語澁氣短而猶酬酢娓娓各問長少安否是夜命侍者曰我欲眠勿以粥水攪之正席安枕神色似敷腴良久欠伸覺曰一睡之後心神清爽吾病其瘳乎遂不復言適然就盡乃八月十六日也纔就木奉歸于家而

殯焉以是年十月日窆于松石先壠負坎之麓配固
城李氏桐湖處士諱弘著之女成均生員平地翁諱
憲復之孫也淑婉莊敬配德無違不幸早歿生一男
一女男秉壽生員女鄭仁睦秉壽生三男二女男鎮
慶餘幼女金濟箕李宅文鄭生三男一女男欽寬鎬
寬餘幼女李中受鎮慶生一男幼公天資朴實德性
純慤已占得立脚基地而入則家庭義方之訓嚴且
摯出而諸先輩教迪又一以正其於問學之功見得
精確充養有素而一切以謙虛隱約爲心衣冠真率
辭氣簡訥持身而不欲修邊幅爲學而未嘗立標榜

嘗曰士當以名不副實爲恥須就切己上警省持循
乃是實學也公誠孝篤至親在常怡愉侍側惟務順
適其志尤謹於送終大節不以貧窶而致有遺憾奉
祭祀一心精白儼然如在四時節薦雖有隣里疫癘
未嘗循俗廢闕家人父子之間一以和寬爲主不欲
隨事苛責縱有不快活之事亦未嘗形諸色辭使之
自然融釋焉喪難之餘家計旁落晚境居養不便朝
晡或不繼處之晏如一不嬰情雖蔬食菜羹啖之如
梁肉寒床冷榻寢之若溫暖憂愁之地不失其和豫
窘急之際益見其從容故年享七耄而容顏常好精

力不少衰非有得於學能如是乎平居手不舍簡冊而必沉吟緩讀上下研窮得其理趣而後已方其專心玩索或當食失時而不自覺雖一座喧闐若無聞也深戒口耳之學不喜張皇簡札往復論辨時與後生講說而亦未嘗逐條解釋必待其自得方略綽提掇壺谷柳公嘗主泗濱講席聽公所論亟歎其實得之見後乃推公代其座先進屬望之意可知也爲文要令脉絡相連關鎖相當自成一家之體而必夜間構思朝起淨寫更無一字抹改處嘗語子弟曰凡著述之法如大匠作舍先定基址次立間架樑棟榑闌

各適其宜然後無罅隙爾輩之文何異於廳房廊廡之臨時增損致使高下差池廣狹不齊哉至於看文字眼目甚精雖闕誤疑似之難辨者一見便覈破嘗會校密庵先生遺集廣瀨李公野淳推許不已曰不圖某之見解若是高明好古柳公微文舉微奧義次第抽問公逐一供答如誦已言柳公歛衽歎曰老兄學識乃爾博洽一生韜晦是其高處又精於禮學凡人家有疑文變節多待公折衷而未嘗立己見輒以所聞於師門者證之樂善好義流出肝膈見人一善可稱必欣然獎許若已有之如見有非義者輒望望

然若將挽已然亦不曾向人言其短焉每以疎迂自處便脫略家務而獨於爲先尊賢之事竭誠盡力條理縝密如仙亭肯構之方錦陽築壇之役皆公所指畫也在宗族無間親疎務欲均庇而尤以恤窮爲念常歎曰吾之羽翼恨不能遍覆又以竭人之忠爲戒人有贈遺輒蹙然不自安雖一箇辭受必裁之以義甲戌大歉貸十鎰送人于市入夜始還告以盡失於盜公笑曰正所謂甑已破矣言之何益他日其人自請還償公却不受此雖細事可見其恬淡無物也酒戶甚寬凡於宴集及客至必相酬以助歡而微醺卽

止不至沉醉與鄉人處泊然若無情而如遇意中交
舊則傾心講討至忘寢食間又發之聲詩風流澹蕩
意思冲遠不知者以爲一時文學之士知之者識其
沉淫乎義理之中而能超然於事物之外也嗚呼今
其可復見此老耶蓋其嗜學之誠固窮之操高世脫
俗之標當求諸古之人矣在漢而有南州高士徐孺
子在宋而有篤行君子趙彥遠公其若人之倫歟晚
年寓居於吉水之梧臺村而不忘秋月故里扁其室
曰月梧草舍自爲詩與記以示意知舊遂以月梧翁
稱之有遺文若干卷藏于家迺者上舍草遺事一通

又令著秀有所撰次著秀卽李孺人之從子也公與
我先子生員公情若親昆弟愛小子而子視之面命
書誨實有誘掖之恩焉今於文字之役義何敢辭第
惟善言實行之得於耳擣目染者不爲不多而鈍滯
蒙昧百不能記其一祇以遺事爲案本略加刪潤如
右恐不足以闡發幽潛而爲藉手乞銘之資也

慕亭先生文集卷之十



